

**TONGTEPTHERA PATHÊN
KAMUKNA**

J.C. Choate

Published by:
World Literature Publications
Winona, Mississippi

© 2001, copyright, World Evangelism Publications

This printing - 5,000 copies - 2023 – **Kom**

Indesign Layout: Shane Fisher

Translated by: L. Amlal Kom

Whatsapp number: (+91) 9862848837

Phone number: (+91) 9862848837

Email: amlalkom@gmail.com

Websites:

www.worldevangelismlibrary.org

www.gospelgazette.com

www.worldevangelism.org

www.worldevangelismmedia.com

Printed by:

World Evangelism Publications

Winona, MS 38967

ṬONGHLAMSÂṬ

Christian rakip in Pathên anta kamûk sik kae. Hiva hi mi rakip in kadik tia anta hnum sik kae. Hinna ṭongder kalen tak inkhat khachu, amirōk chu, heikhong mo mi inkhat in Pathên atakamûk sik? Hiva ṭongder mason nasik Ṭongtephther a kase sik me arangei. Khava jârra, hiva lesson hei hi bân kanai tak ah ṭlosik hong intluk kae. Bible hi ni tei som inchu, atak taka, Pathên in nikheng et sik ah amadu kamûkna kha nimanhret thei sik.

Pathên in aṭong intheng aheipêk jo me, khana alungdo kha aṭong intheng vâng ahei phôngsôt pêk jo me. Setna anphut huk manhring anchen nasik ṭon mantluk, Bekrup, Akataksen hei ringkhō, ae-mak le Pathên kamûkna chung changa aman alei hri na achang innum hiva hi kadik kae. Aman mi rakip hneng in-ang ṭong alei pêk hei jârra, alungdo kha aṭong vâng mi rakip hneng in-ang hrep a alei phôngsôt jo. Aman mi rakip dam makna (setna) in-ang hrep a alei boipui jârra, khava dam mâkna mandam nasik am inkhat rûk

kaom a kae (Christa ɬong intheng), khava ɬong Intheng (Gospel) juina khan huk manhringna anleichen jârra ɬongpêk kajui rakip Bekrup a alei hapsa de hei, khana Jesu Christa kanung kajui rakip hnenga ama anmûk sik a ngêkna alei nei jârra Pathên in ama anmûk sik rakip in in-ang hrep a anta kamûk sik hi aleider hei ti nimandon thei-kadik aman alei der hei.

Tuning raleichunga kamûkna inkhat rûk kaom sik kae, khana khava kamûkna kha aɬong intheng vâng alei phôngsôt kamûkna kha kachang sik kae. Kamûkna hmun hlop hlop hingya lei kaom sik, khana ama anmûk mi rakip in, ankamûkna hmun leh an intûpna hmun alei en-ang mak jo achang innum, Pathên kamûkna ɬon hlam khachu en-ang sik kae. Alak inkhat ting ni en leh, mi inkhat in kamûkna hmun hlop inkhat ting alei se pha, kamûkna hlop inkhat alei hmu thei sik. Hmun hlop inkhat ting ave a ava se nôk phat a, kamûkna ɬon hlam en-ang inkhat ava hmu nôk sik, khang khan raleichung pumpuia kaom kamûkna hmun hlop hlop hingya, kamûkna ɬon hlam hingya um lei kaom sik. Tâkkha tuning eini phat shunga khava kha dikthei mak ning. Rup inkhat kamûkna hlop, alak hei kamûkna ahlop hlop, khang khan. Hiva kamûkna chung changa tumo kadik khana tunmo athe? Avea, hiva hin, ɬong intheng in ɬong atan pêk sik me kae. Pathên ɬong a ni-se pha, ama tama-du kamûkna kha khomo kae ti nimanhret manchen sik. Aman eini hnenga anphut heimo amadu kha nimanhret pha, einin ama ɬong intheng a khan kaom ɬhak sik jo me. Achang ravâng, Pathên lungdo lankhat ting anmûk mi inkhat a-emak leh mi hingya nilei hmu thei sik, khana anmani kha, kamûkna kadik mak ah Pathên anmûk mi hei kae niti sik hei. Man hmuna inkhat, Acts 17 nitei kârra Athens ah kaom mi hen manhret loa Pathên anlei kamûk kha nihmu a kae. Avea Pathên in ahri pêk nôk me, khachu mihring hei mantheina leh ɬongpêk dungjuia Pathên ankamûk jârra ankamûkna kha anemna kase kachang thei kae ati. Ave vea ni hri nôk, khachu mihring inkhat kamûkna hlam kadik, khana kadikmak kaom a kae. Hiva lesson na eini ɬon mantluk khachu, hlam kadik, Pathên kamûkna hlam kadik inkhat rûk, khana Pathên man tluk na (man hmuna lim) dungjuia ama kamûk sik tikha kae. Khava rûk khan Pathên hi Rathla le kadik tak a nikamûk thei sik kae, intaksen thei na ninei tor sik (malung ingamna), khana nimalunga ingam tak a nihri tor sik.

J.C. Choate
Church of Christ
Winona, Mississippi
January 23, 1982

ASHUNGA KAOM HEI

| | |
|---|----|
| 1. Pathên Kamuna Aratha..... | 5 |
| 2. Pathên Kabek (Kahnung Kajui)..... | 9 |
| 3. Nita Kamukpen SikNeinak/Kamukna Mantlukna..... | 13 |
| 4. Pathên Kamûkna Hlop Hlop Inchikna..... | 17 |
| 5. Hma Lai-a Christian Hei Kamukdân..... | 22 |
| 6. Pathên Kamûkna Kani..... | 26 |
| 7. Pathên Kamûkna (Lim) Manhmu Na..... | 29 |
| 8. Bible Tei (Inthemchuk)..... | 34 |
| 9. Derna..... | 38 |
| 10. Hla Sakna..... | 42 |
| 11. Rōngpu Jân Thlaisakna..... | 46 |
| 12. Pêkna..... | 49 |
| 13. Bekrup Inkhomna Inveina..... | 53 |

Lesson 1

Pathên Kamûkna Aratha

Bible a ansun Pathên kamûkna tong rahme hi rajanna, manpâkna, kajâna, choi ka-âna khana rangei-manshangna hei hi kae. Khana kakhe det ah pui atluk nasik, nikamûk Pathên malunga ansem abi kha singna le themna kanei mi inkhat in miralak hei hneng apêk manle (intangpui nôk) sik kae. Tâkkha kakhea nimanhret thei nasik einin bân kanei tak ah leh inchen tak ah enhri.

1. Rajanna anphut Pathên kamûkna.

Hiva hin chu razen ti tong rahme hi tön katlo, tongjui, tontlo khana Pathên kamûkna etc., Bible in lim aman hmu me, khachu, Rongpu hi tön kapupa, Pathên sahei hi asök hei kae. Paul in ave ve ah keihi Pathên sök eng kha kae alei ti. Tong kaṭha kahri sik a Pathên tabek, sonle inkhat kachang sik a akadei, Christa Jesu sök Paul in kahei mazet kae (Romans 1:1). Jesu Christa sonle leh sök inkhat kachang, simon pêter in-ni-Pathên leh huk inhringpa Jesu Christa dikna vâng keini kapōa man katam taksenna inkhat apêk jo hei hneng kahei mazet kae (2 Pêter 1:1). Rongpu Jesu Christa leh Pathên sök James a inphut: Vâhnōi raleichunga inchek-chaia ka-om Pathên mi rakip hneng chibei kahei tlochei (James 1:1). Paul kapōa Petêr le James in inpêk söt na le inthōia Pathên (tön) kanung anlei jui. Anhmani kapō taka eini um inpêk söt na le inthōi a Pathên ton niṭlo sik kae. Paul in manse na alei pêk, tâk-kha tûnchu nangni setna inphut masō kachang jo chei, Pathên sök akachang jo chei kae. That chôm na nanta hmu khachu hringkhō inkhat ahnenga nanta tōk söt pêt kha kae, khana khava tahei rôn söt khachu kumlei kōa hringna kae (Romans 6:22).

Pathên tamadu tontlona (razen) hei kha nimanhret thei nasik Bible arup le chang hei hi enhri, Jehudi ṭahrep hen tönse anman tluk jâra kachunga phat intak alei katlung shung heia khan malung innem leh hmit-rathli pum a rongpu sök changna kaṭon kha kalei tlo (Acts 20:19). Nangnin akaṭha inkhat a nanta lo kha rahming setna manchen mak ruh. Hei jâra mo nitin chu, Pathên rengam kha sâk leh in hlangting khan changmak, tâk Rathla intheng tapêk dikna, intök inchamna, inpâkna hei hi kae. Khana mihen Christa kha hinga anrazen pha Pathên kha anman tlai khana milak hen ahnôm heia kae. Khava jâra inkhat leh inkhat inbôm tōa raṭha ngarna leh intök inchamna ahei karôn söt neinâk-hei kha chen nasik ahei tik a niradin ngêr sik kae (Romans 14:16-19). Tontlo hrat ruh, nan raṭha semak rasoh. Malung kahlut tak a Rongpu kha razen ruh (Romans 12:11).

Pathên tontlona (razenna) chungchanga Paul in alei mazet, khava jâra

kasōpui hei, Pathên maritna me alen jâra ken nan hnenga hivahi ka-ngek chei kae. Pathên malung tlaina leh aṭōn ṭlona khan inthenga inpêk sôt nasik, nangni Pathên hneng hring puma intōk sôt ruh. Hivahi nanta tōk sik kamûk- na kadik tak kha kae (Romans 12:1). Mihring inzenna hnâma mandon loa, Rōngpu razenna âng phung a katlai senga sōk inkhat kapōa nanṭōn ṭlo ruh (Ephesians 6:7). Rōnpun Thyatira Bekrup hneng ṭong alei hri lai, hing hin ati, naṭōnṭlo kha kamanhret. Na lungsetna, taksen thei nachang, na in ṭangna, khana nathōk hratna ken kamanhret. Hma inkeia naṭōnṭlo kanek a, tûnhin rahnâk a tōn naṭlo ti hi kamanhret (Revelation 2:19).

Vei-katam tak a Pathên kamûkna ṭōn hlam ti nihria kae. Einin Pathên hnen- ga tōn niṭlona inkhat achang jâra hiva hi kadik tak kae. Alak inkhat ting ni en pha, hing hin einin nihringkhō hi Pathên kamûkna le bekna ah ni hmang sôt kapōa, Pathên razenna le aṭōn ṭlona ah nihringkhō nipêk sôt a kae. Pathên tōn niṭlo mak in khana aṭongpêk nijui mak in, heikhong mo einin sêrning kani ning ae-mak le nihringkhō a-om shung seng Pathên nita kamûk (kanung jui) thei sik?

2. **Choi ka-anna anphut Pathên kamûk na.**

Paul leh Silas kurkhum shunga anlei thōn lai hei khan, jân ṭhangṭim vena Paul leh silas khan derna an nei a Pathên manpâk na hla anlei sak, khana alak khum mihei khan anlei rangei hei (Acts 16:25). Pathên in eini chung a heikhong mo vângṭhat apêk me, khana ama sik a tōn kaṭha ṭlo nasik Paul in alei mazet. Kha achang inchu, hma inkeia, Christa ah inhōrna kanei sik einin Pathên lûrna kha cheika-ân rih! (Ephesians 1:12) avea einin nihmu, khava jâra einin Jesua nin thōina kapōa, nibeivânga ama hi Rōngpu kae tia phông sôt na, achoi ka-âna kha Pathên hneng tōk ṭhak rih. Khat leh khat inbôm tōa tō kaṭha ṭlo sik ma hngi mak ruh; ajârchu Pathên malung tlai nasik inthōina kha hi kae (Hebrews 13:15). Petêr in ati, khava hei mandon na khachu nan taksen na kadik kha man dâng nasik a kae. An set thei sana kha hmen hmei vâng en man sinna ka-om; sana kanek a man katam nan taksen na khachu akasôt a-om thei nasik a en man sin ngêr sik kae. Khava sōa Jesu Christa ajonlâr kani ning khan manpâk na leh lûr na khana kajâna nang nin nata chen sik kae (1 Pêter 1:7) tu achang inum ṭong kahrile khan Pathên ṭong kha ahrile sik kae; mi inzen khanum Pathên tapêk arāṭha neina dungjuia arazen sik kae, khavakha heirakip chung a Jesu Christa jâra Pathên kha manpâk a a-om thei nasik a kae, lûrna leh raṭha hratna ahei tik a Christa ta kae. Amen (1 Pêter 4:11).

Atak tak sik a, ankhe hêr mak sik joa.

Niṭōn ṭlo vâng, ni ṭong hri vâng, ani katlaia Pathên ni manpâk ṭhak sik kae,

khana kakhe chet a Pathên kani ning Pathên inmûk sik nihong pha, khana einin atak tak sik a Pathên manpâk nasik Pathên kani ning kahong me kae.

Eini in țang na le, ni malung a kadik mandon na le inthōi a ama ni manpâk, khana einin kamukna ahmunna (kamûkna inn) niom lai khan Pathên kha ni manpâk a kae. Ni malung hi ansinsak sik kae, khana inthem chuk na anphut, derna a anphut, hla sakna a anphut, pêkna a anphut, khana Rōngpu Jân Thlaisâk sak sōmna a anphut nimanpâk sik kae. Hiva hei hi Pathên kani ning nițlo mak jo achang inchu hei khong mo ama ni manpâk tor sik?

3. Pathên kajâna anphut ama kamûkna.

Christa'n ati, khava jâra mi rakip in Pa anta kaja kapōa Sapa kha anta kaja sik kae. Tu achang inum sapa inja mak mi khan, ajōng katir a-pa kha akaja mak kae (John 5:23). Paul in aleisun, kum sôt rengpa, inhmang tik kanei mak leh hmit a hmu thei lo, Pathên inkhat rōk, hnenga are-rea lûrna leh kajâna chen țhak rasoh! Amen (1 Timothy 1:17).

Eini kahuk inhringpa, vângțhat rakip ani kape pa, hringkhō kahui det a om thei nasik inhōrna ani kape pa, khana eini kajâna (manlûrna) kara hlang sik khâm Rōngpu Pathên kha kae.

4. Pathên manpâk na a anphut ama kamûkna.

Manpâk na tina chu rangei-mansang, kajâna khana choi ka-anna tina kae. Pathên kamûkna arațha le inthōi a hiva hi ni țongpui kha kae. Tâkkha hiva chung changa mandon na ani kape Bible arup le chang ajingte en nôk na neihri. Hiva hi nan khenga tei et a karesō inkhat rōk a ni-Rōngpu Jesu Christa pa leh Pathên kha nan manpâk thei nasik a kae (Romans 15:6) ajârchu nang- ni nanman ateia arachōk jo chei kae. Khava jâra nan taksa hei kha Pathên man lûr nasik hmang ruh (1 Corinthians 6:20). Hei-achang inum Christian chang jâra de-manrimna nanta de achang inchu, khava sik a inzak mak ruh, tâk Christa rahming nanrôn jâra Pathên manpâk ruh (1 Pêter 4:16).

Binga hri manțhatna leh intak senna kanek a, Pathên hnenga hlut sik hi nihringkhōa nita madu khana nita rangnei (raot) țōn inkhat niman chang sik kae, Pathên rahming manlûr sik, Pathên rahming rangei mansang sik, khana Pathên rahming manlen sik kae. Pathên leh tēkâk nințlo kârra, eini hi heite e-mak me. Pathên kani ninga ni hong intûpna ajâr khachu, nimalung mandonna rakip Pathên hneng pêksōt ah khana Pathên kha kamûk sik ti kha kae.

5. Rangei manshangna malârna anphut Pathên kamûk sik. Pathên hi anika sempa khana Christa hi eini kahuk inhringpa kae.

Kajâna nipêk sik hei kae. Anțong hri nirangei sik kae. Anțong hri nijui sik kae. Anhmâi kunga ansin sâk taka kaom sik me kae. Khana țit leh kajâna nipêk

sik hei kae. Aman amihei ama sōsōt hei khana kumleikōa intepna aneipui hei. Antheng leh akahrat hi ama kae! (Psalm 111:9). Khana Hebrew kasun pan hing hin ahri, khava jâra einin anhling tor mak rengam kha nichen jo jâra inpâk rih. Pathên kha einin ÷ttak leh kajâtak a amalung nimantlai nasik kamûk me sona manpâk rih (Hebrews 12:28).

Einin Pathên nilungset pha ah, aţong juia anphut amâi kunga ni insinsak na nimalâr pha, malung inpak taka ahnenga hihong hlut pha, khava rûk khan kadik tak a ni Rathla leh ni malung pumpuia Pathên manpâkna le kamûkna ninei tor sik. Khava rûk khan Paul talei hri ÷tong kha kadik niti tor sik, hei rakip nanta hri leh nanta ÷lo kha, ama inphut pa Pathên kha manpâkna, Rōngpu Jesu rahminga nanta ÷lo sik kae (Colossians 3:17).

Mi katam tak hen anga-ngai ah, a e-mak le mi inkhat ngekna jârra Pathên anmûk sik lei kase hei. Anga-ngai Pathên anlei kamûk takkha malung kahlut tak ah anta kamûk lei e-mak a kae. Hiva mi hei hin Pathên kamûkna hi hei mo kae ti anmanhret mak jârra, anmanin Pathên kamûkna anphut heite anta chen sik ommak a kae.

Akahong sik phat a, Pathên nikamûk kârra, manhlu det a khana taksen tak a, malung intheng taka, inpakna kutchoi leh inthōia apha rakipa Pathên choi ka-an nasik leh manlûr nasik amâi kunga kase sik me kae. Manhretna leh inthōia Pathên kamûkna ni inthem chuk inchu, ama kha nikamûk nom sik, kha achang inchu eini sik heikhat vângthatna kachang sik, khana nita kamûk pa ama sik um kajâna nipêkna kachang sik.

ṬONGDER HEI

1. Hiva lesson shunga ÷ongpui karonpen kha sun roh.
2. Pathên kamûkna ti ÷ong rahme hi hrisōt roh.
3. Pui atluk chet nasik, heija mo nipêk manle sik?
4. Ṭlopêk inti ÷ong rahme hi hei tina mo?
5. Hei khong mo Pathên sa inkhat sōk kachang thei sik?
6. Paul, pêter khana James hei kha Pathên sōk hei mo?
7. Khong kapō ÷ontlo mo Pathên in amadu?
8. Hiva chung changa Bible arup le chang ajing pêk roh.
9. Vei-katamtak a Pathên kamûkna ÷ōnhlam ti nihria hi hei jârra mo?
10. Ṭong jui jao loa Pathên tarahlang thei kamûkna kae thei sik mo?
11. Pathên nimanpâk sik kae kati Bible arup le chang hei kha anta na rûk.
12. Hei khong mo nimanpâk sik?
13. Sapa ÷it leh kajâna pêk loa apa hneng nipêk thei sik mo?

14. Hei jârra Pathên ni kaja sik?
15. Choi ka-anna hi hei tina mo, hri ro?
16. Nihringkhō madu rangei hei kha hei mo ka e sik?
17. Pathên kani ninga ni intûp khomna ajâr kha hei jârra mo sun roh.
18. Eini kasempa kha tumo? Eini kahuk inhringpa kha tumo?
19. Hei khong mo einin nimason sik hei?
20. Tu raming mo ni rangeimansang sik?
21. Colossians 3:17 sun roh.
22. Mi katam hlang in heikhong mo Pathên anta kamûk?
23. Hei khong mo einin Pathên kamûkna hi nimandon?

Lesson 2

Pathên Kabek (Kahung Kajui)

Pathên khutsem rakip kârra ama inmûk sika inkhat kaom khachu mihring hi kae. Pathên in mihring hi taksa rûk ah aleisem e-mak, takkha Rathla khana singna leh themna leh inthōia alei semma kae. Ama singna leh themna vâng khan intepna (ṭong mathlakna) anei tor a kae. Khava jârra ama ṭong mathlakna dungjuia akasempa Pathên kamûk rong a-e mak leh kamûk mak sik hi ama intepna kha kae. Mihring in Pathên kamûk sika intepna ahong nei pha kadik tak ah ama kha manpâkna leh kajâna nipêk kha kaeh.

Mihring hi heikhat inmûk sik inkhat a hong kaom kae. Mi inkhat ae-mak le heikhat inkhat akamûk ngêr sik kha kae. Aman ahei ṭlo ṭhak kapōa pha leh kani aom kârseng aṭlo hri sik kae. Akasesa pha shunga, atûn tûn pha shunga, mihring hen manhoithei neinâk inkhat hmaa ah kakun hri hei a khan ankamûka kae. Kha hei kachu, tha, arsi, tuidung, hlungpui, angai a neinâk heikhat. Mihring tasem lim, hlunga ansem lim, thinga ansem lim, khana thir a ansem lim hei ahma ah kakun hei a, ankamûk a kae.

Mihring in heikhat kamûk sik antlûk jo achang inchu, akasempa Pathên hneng kahlut sik kae, khana ama kamûk nasik mathôkna pêk sik kae. Anmanin Pathên anta kamûk sik hi ama tamadu tarangei kha kae.

Jesun ahri, tâk-kha pha kha katluk jo, tûn jo hi kae. Kadik tak a inmûk hei khan pa kha kadik tak a leh Rathla a anta kamûk sik hi pa tamadu kae. Pathên hi Rathla kae, khana ama inmûk sik rakip in Kadik tak a le Rathla anta kamûk nger sik kae” (John 4:23,24). Mi inkhat in ama inmûk sik a rahōi asōk mak inchu, khana ni kamûkna kha ahmâi kunga, ama tara hlang thei inkhat achang thei nasik, kadik tak ah leh Rathla ah nita kamûk nger sik kae. Hiva hi heitûk a kahlu mo ae-mak le heitina mo mandon hri.

1. Akadik Pathên khana akahring ṭhak Pathên mi rakip in anlei manhret

sik-kutsem rakip hein anka sempa inkhat kaom ti anmalârra kae. Hiva hi katlan thei hêr mak sik jo kae, khana singna leh manhret thei na kanei mihring rakip in hiva hi kadik anti sik khan ɔng bângna anei sik a kae. Kadik, einin nimanhret khachu akadik leh akahring ɔhak Pathên kha hei rakip kasempa kae (Genesis 1:1).

2. Pathên hi heirakip kasempa achang inchu, mihring in aɔngpêk alei jui sik kae, khana soi lo jenna ama malung mandonna kha mihring hei hneng alei phông sôt ah kae. Khana Bible a inphut Pathên lungdo kha alei manhmu hei ah kae. Khana nangnin Jesu hi messiah, Pathên sapa kae ti nantaksen thei nasik, khana ama nan taksen na vâng khana hringna nan nei thei nasik hiva hei hi anzet hei kae. (John 20:30,31). ɔng intheng rakip hi Pathên kaphuk masakhum kae (2 Timothy 3:16,17).

3. Pathên in ɔng alei hri jârra, Bible ah ansun manhlut ah, Bible ah inphut mi rakip in anmu thei a kae, khana mihring hen Pathên le injom theina inkhat hong kachanga, mihring hen inthem chukna anei ah khana aɔng anjuia kae. Christa'n asonle hei hneng ɔngpêk alei pêk hei, Jesun anhnenga ahri, “vâhnōi raleia se ruh khana mihring rakip hneng ɔng kaɔha hi vahri ruh.tu achang inum akataksena tui kahlut mi kha huk manhring kachang sik; tu achang inum akataksen mak mi kha maset achen sik (Mark 16:15,16). “Pathên lungdo kaɔlo hnôm hei kha anmahâm kaɔha; Pathên in pui katluk a amankhop sik hei! (Matthew 5:6). Pathên sa kachang nom mihring rakip chungu Pathên in anmani hneng ɔng neina raɔha apêk hei. Achang inum, mi ɔhahrep in, ama anlei rahlânga antaksen; khava jâra Pathên sa anchang nasik raɔha apêk hei. (John 1:12).

4. Mihring inkhat in Pathên ɔng anthem chuk kârra, amalung shunga taksenna khan kara ahei nei ah kae. Khava jâra ɔng kha antheia inphut taksenna hi kahong, khana Christa kha hrilelena inphut ɔng kha kahong (Romans 10:17). Manhretna leh taksenna ah inphut, khana kumsôt hringna ahei kachoi Pathên ɔngpêk kha ajujui nasik anhei thōi manhlut ah kae (Acts 2:38, Acts 17:30, Hebrews 11:6).

5. ɔngpêk juina inphut huk manhring anchen khana huk manhring kachen hei Rōngpu Bekrup ah anlei hapsa hei, khana tūning chirstian ti nimanhret hei (Acts 2:47; Acts 11:26).

6. Bekrup mihlip inkhat changna, khana Christian inkhat changna, Pathên (hripêkna) ɔngpêk dungjuia ama kamûk nasik intluka kae. Hiva mak hma a, Rathla hlang tinga Pathên kajâna leipêk tor mak heiya kae. Pathên in mikaset-hei tader theipêk mak; tâk ama kajâna kapêk hei leh amadu hlam kaɔlo mihei derna athei pêk hei ti einin nimanhret (John 9:39). Mi inkhat derna

Pathên in arahlang nasik ɽlo sik ɽôn hmun inhni kaom a kae. Inkhatna, ama kha Pathên inmûk mi inkhat kachang sik kae, khana inhni na, ama ɽongpêk nanta thei hnam rûk chang loa, aɽong anta thei kha tôn vâng nanlei ɽlosôt a kae.. Hiva hin Pathên leh pui katluk a ni injomna, apa leh asa insung khatna, Christian inkhat changna khana Christa Bekrup milip inkhat changna kha kaɽha ah amalâr pêk me. (or aman hmu me).

7. Christian inkhat chang na leh chrsita Bekrup milip inkhat changna, ni Pathên kamûkna hi Pathên in arahlang nasik Rathla leh kadik tak a nita kamûk ngêr sik kae. Hiva tina chu, ni malung shunga kadik taka nintepna le inthōia nita kamûk sik kae. Pathên kamûkna hi nimalung ah inphut, insinsak taka, taksen tak a khana rangei manlûrna le inthōia Pathên hi nita choi ka-an sik kae. Khang khava sik a, malung intheng khana intepna chung a malung pumpui inpêksôt sik hi arangei ah kae. Pathên kakamûk sik mi inkhat in anga-ngai ah a-emak leh ɽlosik tia malung madonna omloa kamûk thei mak ning. Kha achang inchu nōiso kachang sik. Khana anchaina penna, Pathên kamûkna hi, pha rakip ah kadik ɽloneina kachang sik kae. Hiva tina chu, Pathên mantheina ɽong intheng leh inrangei thei kachang sik kae. ɽongder inkhat chu, Pathên ɽong intheng in heimo amanthei me? Bible ni inthemchuk na hi bân kanai ah nise na shunga, Bible inthem chuk (tei), derna, hla sâk, Rōngpu Jân Thlaisâk, khana pêkna chung changa nihmu sôt sik a kae. Hiva chung a, akahlu pen kha chu Rōngpu malunga mantluk kani ning ɽlo sik kha kae. Mihring inkhat in taksenna kalen alei nei innum, khana amalung antheng innum, kadik taka leh Bible dungjuia Pathên alei kamûk mak inchu, akamûkna kha anemna kase kachang sik. Ave nôk a, mihring inkhat kamûkna kha Rōngpu mantheina chithi vâng aleichang innum, Rathla leh manhret na dungjuia ae-mak inchu anemna kase ah Pathên anmûk kachang sik kae. Pathên in ami hei sik kamûkna dân or abi asemma kaom, khava dungjuai anta kamûk ngêr sik kae.

8. Pathên anmûk sik mi inkhat in apathên kamûkna kha rahlang thei achang nasik, ahmun kadik tak a (Rōngpu Bekrup), mi kadik tak hei leh khana Pathên tasem kamûkna dân or abi dungjuia anta kamûk sik kae.

Intûp khômna hi akahlu tak inkhat kae. Christian kadik tak hei le hloi hlop-hlop anthen khōi khana bêk hlang tinga inloi khômna leh kamûk sôm thei mak hei ning, ajârchu anta kamûkna chungchanga in-ang makna, intōk makna hingja kaom ma kae. Akadik tak Christian khana Christa Bekrup hen Bible dungjuia Saturday ning Pathên kamûk tor mak hei. Mihring hei “Taksenna Dân,” khutsem kare vâng hla kasak hei, rup hlop hlop hei sik derna kanei hei, “Hapta kani hma inkei pen kani” ning Rōngpu Jân thlai kasa mak

hei, “sōmma inkhat (Tithes)” leh “maicham” kapêk hei leh Pathên kamûk sōm thei mak hei ning, ajârchu, amanandin akadik mak kha anhri manṭhanga kae. Paul in ati, Khō inthim ta kachang, hmemna kase mihei ṭōnṭlohei kha leh heite sap changmak ruh. Khava kanek a chu khōvâra malârsō pêt hei ruh. Marûk a anṭōn ṭlohei kha hri sik bêk um kadik tak a inzakpui ka-omhêr heia kae (Ephesians 5:11). John in ati, Ajârchu tu achang inum anmani kamōnga an-om sik indu mi kha anṭhatmak ṭlona khan chen akaneipui hong kachang heia kae (2 John 11).

9. Pathên kabek amakhet-amatak- Pathên kabek pa khan pui aleitluk mak jo achang innum, khava khan ama kha abi binga ning leh hnomma kaom thei sik tina chu e-mak ah kae. Aman Pathên inmûksik intepna aleinei jon chu, anunchen leh aṭōn ṭlo kadik mak rakip atheng sik kae (James 5:17), khana malung intheng taka, taksa intheng taka khana Rathla innem taka Pathên kamûk nasik tak aṭlo sik kae.

Khang kapō Pathên kabek che mo? Hei kani ning mo Pathên nakamûk? Hei jârra Pathên nakamûk? Tumo nakamûk? Pathên kabek (anmûk) mi hingya kaom hei, takka kadik taka anmûk chu katom tek hei. Katam hlang hen akadik mak hlam let ting ankamûk a kae. Pathên tamadu (lungdo) dungjuia ama anmûk mi inkhat chang thei nasik leh ama tōn mantluk dungjuia achang thei nasik Pathên kabek or anmûk rakip in kadikta ae-mak le kadik hlamma Pathên mantheina tōn mantluk dungjuia anta kamûk ngêr sik kae.

ṬONGDER HEI

1. Pathên khutsem rakip hei kârra Pathên anmuk tor kha tu mo?
2. Hei khong mo Pathên in Mihring asem?
3. Mihring in hei intepna mo anei?
4. Hei pha le mo Pathên kajana nipek dik?
5. Mihring hi hei mo kae?
6. Hma ah mihring hei talei kamuk neinâk rahming ajingte sun roh.
7. Pathên in ama in muk sika tumo ayông?
8. John 4:23,24 hi tei inna hri roh.
9. Pathên sik ra-ngei kachang kha tu mo?
10. Genesis 1:1 sun roh.
11. Pathên in alungdo kha mihring hei hneng ahei phongsōt jo mo?
12. Hei khong mo ahei amalâr sōt?
13. John 20:30,31 leh 2 Timothy 3:16,17 tei hei roh.
14. Mihring in Pathên lungdo amanhret sik hi Pathên in hei jârra mo amadu?

15. Mihring in Pathên lungdo amanhret thei sik mo?
16. Pathen sanu le sapa chang thei nasik tuninga a mo raṭha apek?
17. Mi inkhat amalung ah hei khong mo taksenna hong hongkasōk?
18. Hei ah inphut mo mihring in hukmanhring kachang sik?
19. Rōngpu Pathên anhmuk sik antûk kha tumo?
20. Setna kanei hei derna Pathên in athei mo? Hei jârra mo?
21. Mihring le Pathên kârra injomna rui kha hei mo?
22. Rathla leh kadik taka kamuk ti hi hei tina mo?
23. Khonmo Pathên kamuk sik?
24. Inpunkhom hi hei jârra mo akahlu?
25. Christian hei taḷo mak sik ṭōn ajingte sunroh.
26. Pathên anmuk sik mi hen heikhong mo Pathên anta nai tor sik?
27. Kadik tak a Pathên anmuk mi kaom hei mo?

Lesson 3

Nita Kamukpen Sik Neinak/ Kamukna Mantlukna

Pathên in neinâk kasem ahei phutbia inphut, mihring in kani thōi a kaom rakip alei kamûk, khana kani um alei kamûk a kae. Chungvâna pathin jingya kana Pathin nu hingya ankamûk a kae. Anmanin anpathin pa leh an pathin nu sik a kamûkna inn hingya anlei sâk a kae, achang ravâng mi katam hlang in khava anmani dharmo chung a amalung lei tlai mak a kae. Hei jârra mo anmalung katlai mak? Hei mo anta the-na kaom jo?

Mi katam hlang in akadik Pathên khana akahring ṭhak Pathên kha anlei taksen tor mak jârra an kamûkna kha anta the kae. Christa'n hing hin alei khin pêk hei ah ati, “Pathên chu Rathla kae, khana Ama anmûk sik mi rakip in Rathla leh kadik tak a anta kamûk ngêr sik kae” (John 4:24). Mihring hei takamûk sik a neinâk kha Pathên hi kae. Mihring inkhat takamûk sik neinâk kha Pathên kae, khana kamûkna vâng Pathên hnenga amalung ahei pêk sôt pha, phat kasôt tak a alei jong malung mongna leh huina kha ahmu tor sik.

Hiva imthem-chukna hin Pathên hi tumo khana ei-nin hei jârra mo nikamûk sik ti hi kaḷoi hlamma jongsōtna hei hri.

1. PATHÊN HI HEI RAKIP KASEMPA KAEH:

Anphutbia Pathên in ralei leh marvân asem” anphutbia Pathên in marvânhei leh ralei asyem” (Genesis 1:1). Hiva hi Bible a anlei insun jârra in-jetna nilei neithe, achang inum, ama an mandikna kha hei mo ka e? Nasir napanga Pathên kutsem hei kha enroh. Ralei leh marvân khana chung leh nōina kaom neinâk rakip in Pathên kaom ti anhri manchenna kae. Heite kaom mak neinâk a inphut heite hong sok thei mak ning, khava jârra mihring

inkhat in asem ngêr sik kae (Rathla kanei mak neinâk inkhat a Rathla kanei heikhat injor tor mak ning, khava jârra akasem inkhat kaom ngêr sik kae). David in ati, Chungvân in heitûk-hrep inchêna Pathên lûrna hi amalâr jo mo! Akutsyem khan heitûk inthengtak a amalâr jo mo! (Psalm 19:1) hiva chungâ tun mo aker tor sik?

Pathên in ama limma inphut pase leh numei alei sem. Khava sôa Pathên in ahri, “Tûn einin mihring nisyem sik hei kae; anmanin eini anpō sik me, einizek aka-ang sik hei kae. Anmanin, nga-hei leh va-hei, ranhring rakip, inna leh ram a sha-hei, akasin leh akalen-hei chungâ raṭha antanei sik kae.” Kha-va sôa Pathên in mihring asyem jo hei, ama kapō hrep a aleisyem hei. Aman nuhmei leh pase aleisyem hei (Genesis 1:26,27). Khava sôa Rōngpu Pathên in raleia inphut matlak aloa, pase inkhat aleisyem. Aman ahnâr khura hringna kaphuk amasa khuma pase kha mihring hongkachang jo (Genesis 2:7).

2. MIHRING HEI SETNA INPHUT AKAHUK INHRING SIK A PATHÊN IN ASAPA MAHRET KHA VANNŌI RALEI AH AJŌNGTIR KAE.

Pathên in raleichungâ ajōng na ajar chung changâ hing hin nitei sôt a kae, “Ajârchu Pathên in vâhnōi ralei hi hingtûk hrep alungset jâra Asapa inkhat rōk kha apêk jo, tu achang in-num ama kataksen kha thimak ning, tâk kumleikōa hringna anei sik kae. Ajârchu Pathên in ralei tong katan sik a asapa ajōngtir changmak; tâk akahuk inhring sik a ajōngtir kae (John 3:16-17). Paul in alei mazet, Tâk-kha Pathên in eini hi heitûk-hrep mo alungset me ti kha amalâr jo, khachu einin mikaset nileichang laitak Christa kha eini sik a kathi jo (Romans 5:8). Avea ahri nôk, “Hivahi kaṭha kae khana hiva hin nikahuk inhring Pathên kha amantlai, aman mi rakip huk manhring anchang sik leh akadik anta hongman hret sik amadu” (1 Timothy 2:3,4). Ajârchu hivahi tak-sen jâra Pathên maritna khan ahuk manhring jo chei kae. Hivahi nanṭon ṭlo jâra changmak, tâk Pathên kutchoi pêk kae, hiva chungâ tûten anlensak mak nasik a kae (Ephesians 2:8,9).

3. PATHÊN IN TAKSA LEH RATHLA VÂNGṬHATNA RAKIP KHA APÊK MEA MAHAM KAṬHA AMANCHANG JO ME:

James in alei mazet, “Kutchoi kaṭha rakip leh kutchoi pui katluk rakip marvâna inphut kae; khava kha marvâna vârhei kasyem, inthlengtik kaneimâk khana ahmâi amahea inthim insōmak, Pathêna inphut kae” (James 1:17) Paul in ati, “Ni-Rōngpu Jesu Christa Pa leh Pathên kha einin manpâk rih! Ajârchu Christa leh ninchunna shungâ hin, Pathên in marvân ram a Rathla vângṭhat rakip kha apêk mea mahâm kaṭha amanchang me” (Ephesians 1:3).

4. AKADIK TAK KHANA AKAHRING ṬHAK PATHÊN INKHAT

RŌK KAOM:

Pathên inkhat achangna chung changa Paul ininchenna alei hri, “Mi rakip Rōngpu, mi rakip tōn intlo, khana mi rakip shunga aka-om Pathên inkhat leh mi rakip Pa kha ka-om” (Ephesians 4:6). Ajârchu Pathên inkhat rōk ka-om, khana Pathên leh mihring kaṭhōi inchun inkhat ka-om, Jesu Christa mipa kha, (1 Timothy 2:5)

5. PATHÊN HI RATHLA KAE:

John 4:24 a nihmu kapōa, Pathên hi Rathla kae. Pathên hi ralei taksa mihring e-mak a kae. Ama hi taksa e mak a kae. Pathên hi mihring hei tamu thei neinâk inkhat um e-mak a kae. Pathên hi Rathla kae ti nihei manhret pha le Pathên hi tumo ti nimanhret machen det nok sik. Pathên hi mihring hei omna hmun leh in-ang hrep ah lo jamang ning, khana ama hi hmun hlop inkhat a kaom kae tihi nimalung shunga nimandon ṭhak sik kasōk.

6. PATHÊN HI LUNGSET KAE:

John in ahri: “Lungsetna kaneimak min Pathên kha manhret mak; ajârchu Pathên kha lungset kae. Einin ama a inphut hringna ninei thei nasik, Pathên in Sapa inkhat rōk kha raleichunga ajōng tira eini alungsetna me kha amalâra kae. Lungset kha hi kae: einin Pathên nilungset jâra changloa, aman eini alungset mea nisetnahei rangei mandam thei nasik a Sapa kha ajōngtir kha kae. Kaṭhōn marit hei, Pathên in hinghrep a alungset me achang inchu, eini khat leh khat anlungset sik me kasōk” (1 John 4:8-11). Khava jâra lungsetna heite ninei mak inchu Pathên kha manhret tor mak tin me, ajârchu lungsetna ah inphut Pathên jong inlâr a kae.

7. TUNING NIKÂRRA PATHÊN KAOM:

Simon Petêr in abei vâng alei phôngsôt, “Akahring Pathên Sapa, Messiah che kha kae.” (Matthew 16:16)

Paul in alei hri, Tâk-kha kaheisôt joa achang inchu, ṭongdik chopui leh manh ngamna akachang, akahring Pathên Bekrup, Pathên inn-shunga khan einin heikhong mo akachôn sik me ti hi hiva chithi hin amanthei sik che. (1 Timothy 3:15).

Limsym hei rakip anhei dahlon leh akahring ṭhak Pathên ṭong jui nasik leh kamûk nasik chung a Paul in hing hin alei hri a kae. “Hiva mi rakip hei hin heikhonga mo keini nanta rahlâng ung, nan hnenga kanhong lai akadik leh akahring ṭhak Pathên Sapa razen nasik a heikhonga mo limsyem hei nantahong dahlon” (1 Thessalonians 1:9).

Christa'n alei hri manchen pêk hei, mi karak hei Pathên hi kathi jo anlei ti, achang ravâng Rathla kathi anmani jôk kha akathi jo hei kae. Pathên chu akaring Pathên kae. Kei Abraham Pathên, Isaac Pathên, khana Jacob Pathên

eng kae, ati. Ama chu akathihei Pathên kha chang mak, tak kha akahring hei Pathên kae.”

8. PATHÊN SIK A CHU HEI RAKIP KACHANG TOR:

Jesun Anmani hneng Tumo huk manhring kachang tor sik tia ƣong alei hri lai tak khan, hing hin alei ti, “Mihring sik a chu kha chang tor mak, ƣak Pathên sik a chu heirakip kachang tor,” ati (Matthew 19:26).

9. PATHÊN TEI LOA AKATHA TÛTE OM MAK:

Jesun ahnenga ader, “Heisa mo akatha nati eng? Pathên tei loa akatha tûte om mak (Mark 10:18).

10. TÛTEN PATHÊN LAHMU PHUNG HÊRMAK HEI:

“Tûten Pathên lahmû phung hêrmak. Pathên leh ƣhakhat akae, khana Pa ƣngshunga aka-om, Sapa inkhat rök khan Pathên manhretnaamaneî me” (John 1:18).

Petêr in hinghin ƣong hri aphut jo: “Pathên in mi rakip hi in-ang et a a-en me ti hi adikje tûnchu inchêna kamanhret sôt jo. Tu jât-jât um chang rasoh ama inmûk leh akadik kaƣlo rakip kha ama sik a rahlângthei kae (Acts 10:34,35). Hmalai inphut manhretna anikapêk Rôngpu kae (Acts 15:18). Khava jâra kaƣong hrile ƣong kaƣha dungjuia, khava kani ning khan Pathên in Jesu Christa ngansena, mihringhei malung shunga anthup mandonna rakip kha hinghin ƣong atan sik kae (Romans 2:16). Pathên in kumsôt hringna apêk jo me, hiva hringna hi asapa a inphut ahong kasök kae (1 John 5:11). ƣong hrilele, Pathên hi hei rakip anhret, hei rakip kahmu, hei rakip kathei khana ahmun rakip a kaom, torna rakip kaneî, anphutna leh achaina kaom mak Pathên kha kae. Ama leh man-ang sik mihring inkhat bêk um ommak hei. Hei rakip kasem Pathên kae. Kumlei khôa kamûk sik, manpâk sik, choi ka-an sik, khana lurna pêk ƣhak sik Pathên kha kae.

ƣong hrilele, Pathên hi hei rakip anhret, hei rakip kahmu, hei rakip kathei khana ahmun rakip a kaom, torna rakip kaneî, anphutna leh achaina kaom mak Pathên kha kae. Ama leh man-ang sik mihring inkhat bêk um ommak hei. Hei rakip kasem Pathên kae. Kumlei khôa kamûk sik, manpâk sik, choi ka-an sik, khana lurna pêk ƣhak sik Pathên kha kae.

Pathên nita kamûk sik hi ama tamadu pen inkhat kae, achang ravâng, ka-jana nanta pêk ngêr sik eng kae tia ƣong neina (force) ommak ah kae. Pathên anmûk sik a anpêk sôt mihei kha Pathên in vângƣhat rakip apêk sik hei.

Achang in-num, kamûkna rakip Pathên in ata rahlang et sik e-mak. Einin Pathên nikamûk sik achang inchu mihring hei lungdo dungjuia chang loa ama lungdo dungkajui a kachang sik kae. Ama tamadu kamûkna kha Bible vâng ahman hmu jo me khana bân kanai taka niteina hei hin kakhe chet a

nimanhret thei sik.

TONGDER HEI

1. Mihring hen hei mo anta lei kamûk?
2. Mi katam hlang hei dharmo kha hei mo kachang jo hri manchen roh.
3. John 4:24 sun roh.
4. Mihring hei takamûk sik kha tumo?
5. Genesis 1:1 sun roh.
6. Pathên kaom ti sakhi alekte sun roh.
7. Hei in mo Pathên lurna ahri manchen?
8. Pathên in heikhong mo pase leh nuhmei alei sem?
9. Raleichunga hei jârra mo Pathên in asapa inkhat rûk ahei tir sôt?
10. John 3:15,17 sun roh.
11. Eini sik a tunmo thina ade pêk me?
12. Hei khong a mo huk manhring nichen?
13. Vangthat rakip khona inphut kajōng mo?
14. Ephesians 1:3 tei sôt roh.
15. Pathên inkhat changna chung changa Paul in hei mo alei ti?
16. Pathên hi heikhong mo nahri thei sik?
17. Pathên hi lungset kae, hri manchen roh.
18. Tuning nikârra Pathên kaom mo? Hei khong mo?
19. Heirakip Pathên hnenga kachang thei pat mo?
20. Mi kaṭha kha tumo?
21. Tumo inkhat in Pathên hi ata hmu phung jo mo?
22. Pathên in mi rakip hi in-ang et a a-en me mo?
23. Tunmo achaina penna ralei leh marvân tong atan sik?
24. Pathên melso kha ajingte sun roh.
25. Khong khava kamûkna mo Pathên tamadu?

Lesson 4

Kamukna Hlop Hlop Inchikna

Tongtepher lekha rabu apek rakip nitei sôt kahnunga kamûkna hlop hlop inthum hi nihmu. Hiva inthem-chukna hin kamûkna hlop hlop inthum hei kha inkhat sasam et a ni-en sik hei. Bible shunga kamûkna hi inkhat kakhea kaom tihi mandonsōtna nei hri. Pathên tamanṭlo num me kamûkna kha khō mo kae ti kaṭha a nimanhret thei nasik, hiva kamûkna inthum hei an-ang

makna kha hei rahlam hei mo jongsōt na nei rih. Khana achaina penna, Nisir nipang a kaom hen Pathên anlei kamûk ravâng, anmani takamûkna kha Pathên in alei rahlang pêk sik hei tia nimalunga mandon bat sik um changmak a kae.

1. MANHRET LO PATHÊN HNENG TIA BIBLE A ANZET.

Paulin Athena Silas leh Timothy ahngak lai hei khopui kha syemthu lim kasip phet kha ahmu pha amalung inlak herra kae. Khava jarra intupna inn a Jehudi hei leh bektinga malung kalhut jaklak hei Paul in ankhe pui heiya, khanchu keithea kalon hei anitinna ankhe pui hei. Epicurean hei leh stoic loi- hei ojahei lem inkhe hieya, thahrep in anhria, “Hiva bei katampa hin hei mo hri sik anei?” anti. Khana alak thahrep in anhria, “Amân ramhlop hei Pathên tong ahria kae,” anti. Ajarchu Paulin Jesu tong leh athoi sōt chung chang tong ahrile jarra khanga anta hri kae. khava jarra anmanin Paul leh Silas kha Areopagus intupna hma anthoi heiya anhria, Hiva insena therbing tong nahri hi keinin kan manhret hnōm. (Athena ka-om mi rakip leh khava hmun a ka-om ram hlop mi rakip in heite tlo loa tûntûna tongther rangeina leh hrisōm nasik a anphat rakip kha hmang sik anleimadu).

Khōpui Sehmang-pachonghei hma a Paul kangîrsōt a hiva tong hi aleihri, “Ahlam rakip a Athena ka-om nangni hi bektinga nanmalung kahlut ti hi kahmu sōt. Nankhōpuia hin kalônle enga nankamûkna hmunhei ka-en in, maichâm inkhat chung, Manhret lo Pathên hneng tia anzet kahmu sōt. Kamûk chu nanta kamûk a, manhret chu manhret lo chei, khava Pathên kha tûnhin nanhnenga kaphôngsōt kae. Vânhnōi leh heirakip kasyem Pathên hi marvân leh ralei Rōngpu kae, khana ama chu mihring kutsyem Bek-inna om mak. Ama sik tlopêkna leh pêkna ninei sik heite aman rangei mak, ajâr- chu mi rakip sik a hringna leh kaphuk sâna khana heirakip kapêk kha ama kae. Mihring inkhat a inphut phung tin jâtin rakip hi asyema raleichung pumpui kadap a aman om hei. Hmapêt a inphut aphot hrep atep a an-om nasik ramri tepsa a ada heia kae. Hinghin aleitlodek ajâr- chu ama rangeina anei pha leh ama anjong thei nasik khana anhmu thei nasik a kae. Khanum eini tûte inkhatbek a inphut Pathên hi kahla a om mak; tu mo inkhat tahri kapōa, Ama a kahring me, inhling me khana ka-om me.

Hivahi nanhla kaphō thahrep hei tahri kapōa, Eini him ama sa me kae. Eini hi Pathên sa nichang jâra, ama ara-âng hi mihring kut them leh tlo theina vâng hlung, dângka khana sana vânga insyem lim kha apō sik tia ni- mandon mak sik kae. Mihring hen Pathên anlei manhret mak lai a pha kha Pathên in-enmak jo, tâk tûn chu hmun rakip a mi rakip hneng anphat makna hlam a inphut anhong inhe nasik tong pêkna anei jo hei. Ajâr- chu akadeisōt

mi inkhatpa jâra vâhnōi pumpui hi akadik a ɽong atan nasik kanikhō kha atep jo. Amapa kha thina inphut akei mathōi jo jâra khan hivahi mi rakip hneng malâr manchēna anei jo!” Athena Paul in akhōpui shunga limsyem kasip tak kha ahmu sōt pha amalung leihōi hêrmak jo. Paul in hing hin alei hri, Kamûk chu nanta kamûk a, manhret chu manhret lo chei, khava Pathên kha tûnhin nan hnenga kaphôngsōt kae khana mi rakip sik a hringna leh kaphuk sâna khana heirakip kapêk kha ama kae (Acts 17:16-31). Paul in symthulim antakamuk kha ahmu pha anmanin manhret loa antakmuk kae ti ahmusōt, khana akadik Pathên kahringthak Pathên ɽong kha anhnenga alei hri sōt a kae.

Hei jârra mo anmanin limsyem anta leikamûk? Hei jârra mo mihring inkhat in limsyem maikung a katu hri hei? Limsyem hi Thir vânga antasyem Lung vânga antasyem, thing vânga antasyem, hringna leh Rathla kanei mak neinâk kae. Mit chu anei, mutor mak hei, kor chu anei, theitor mak hei, nâr chu innei, marin hnam tor mak hei, bei chu innei, ɽong thei mak hei, ke anei, hlon tor mak hei etc. Hiva neinâk hi heimo inkhat achang mak leh tumo inkhat kahlâng kathleng sik ah anlei hmang ravâng, achaina ah mihring hen limsyem kha Pathên kapōa anlei kamûk ah kae.

Ralei leh marvân Pathên inhret mak hen, limsyem, a-emak leh neinâk heikhat, angaia raleichung mihring, ranhring leh ashunga neinâk hei Pathên kapōa taka anta kamûk sik kae.

Tuning um raleichung ah mihring hen limsyem pathin anhla kamûk hria kae. Hiva hi hei jârra mo? Ajârchu, Kamûkchu ankata kamûk, manhret chu manhret lo hei. Christian hei shunga achanga, Christian kae-mak hêr shunga achanga, singna leh manhretna kanei mi inkhat in heitûk a limsyem pathin leh lim kamûk mak ning.

2. ANTA KAMÛK ENG HI ANMANI SIK A AHNEMNA OM MAK TIA BIBLE A ANZET:

Christa'n ati, “Anta kamûk eng hi anmani sik a ahnemna om mak ajârchu anmanin mihring dân kha kei dân kapō tak a mi an manthei hei a kae!” (Matthew 15:9). Aman ave nôka ahri, Rōngpu, Rōngpu tia anikabek rakip marvân rengam a hlutmak hei ning. Tâk marvâna kapa lungdo kaɽlo rōk hei kha akahlut sik hei kae. ɽong tanna kani kha ajōng tlung pha mi katamtak in, Rōngpu, Rōngpu! Nara hminga Pathên ɽong kantalei hrile kae, nara hminga ramɽai katamtak kanlei hnongsōt hei khana ɽon-inlak kanlei ɽlosōt a kae! anti sik. Khava pha ken anhnenga, Manhret hêrmak chei eng. Ka hnenga inphut sesōt ruh, mi kaɽha mak-hei! kati sik. (Matthew 7:21-23)

Pathên hi ahlam hingya nikamûk achang innum nimalung anheng achang

inchu nika mûkna kha arahlang pêk sik me ti hi mi katam tak hneng ahrilele a kae. Tâkkha hiva hi dikthei mak ning. Anta kamûk na kha anmani sik a ahnemna om mak ajârchu anmanin mihring dân kha Pathên dân kapō tak a mi anmanthei heia kae. Anemna kaom mak tina chu heite kaom mak, hmang nasik kaom mak, mathlak khoi tina kae. Khang kava Pathên kamûk- na kha Pathên in rahlang mak ning.

Pathên rahming a an intûp jârra Pathên in anta kamûkna kha arahlang bat sik ea-mak. Anbekrup changna Denomination rahminga anlei inloi-khom jo achang inchu, anmani kha Pathên rahminga anloi-khom hei e-mak, anmani Denomination Bekrup rahminga anloi-khom hei kae. Khana Denomination Bekrup inkhat rahminga antûp hei achang jârra anmani injomkhomna (chôndân) dungjuia Pathên anta kamûk sik kha kae. Rōngpun ati, ʈong ʈan ning kani khan mi kaʈam tak amâikûnga kangîr sik hei, khana ama ama et ʈôn ʈlo rakip ahnenga anphôngsôt sik, anmanin ama ʈongpêk anlei jui mak jârra, khana Christa Bekrup mihlip anlei chang mak jârra, nangni tuchei mo, manhret mak chei eng, kahnenga inphut sesôt rōk ati sik hei.

Na Pathên kamûkna kha mihring hei mantheina dungjuia aleichang jo achang inchu, Pathên ʈong Inthenga nita hmu phông hêr mak ʈôn inkhat naʈlo jo kae, khana Pathên in rahlang um rahlang tor mak ning, ajârchu natakamûk kha nang sika ahnemna om mak. Atun pha jo hi kae “kamûkna akadik” jōngsôt nasik pha kha.

3. **KAMÛKNA KADIK TIA BIBLE A ANZET:**

Kamûkna chung changa Christa'n hinga hen ahri, “Pathên hi Rathla kae, khana ama inmûk sik mi hei khân kadik tak a leh Rathla a anta kamûk ngêr sik kae” (John 4:24).

Hin hin alekte ensumna nei hri. Aman keipenna, hiva lesson mak hma nil-ei inthem-chuk kapōa Pathên kamûkna hi nimalunga ʈlo sik nita mandon or mantluk inkhat Kachang sik kae. Inhni tlukna, anmûk sik mi rakip in Pathên taman tlukna dungjuia anta kamûk ngêr sik kae. Pathên kamûk nasik a tûte inkhat bêk in nampho (tanti) aʈlo mak hei rasoh, khana Pathên kamûk sika intûk mi rakip in mihring hei lungdo tak a changloa Pathên taman tlukna dungjuia kamûk hei rasoh. Inthum tlukna ah, ama anmûk sik rakip in kadik tak a leh Rathla a anta kamûk ngêr sik kae. Kadik tak a leh Rathla a Pathên kamûk hi hei tina mo? Pathên kamûkna hi Rathla a kachang sik kae, khana hiva tina chu, taksenthei kachang tak a, manhret theina leh khana malung innem tak ah tina kae. Khana kadik tak a tina chu, Pathên anmûk sik mi hei khan Bible shunga anzet dungjuia anta kamûk sik tina kae. Mi ʈharep hei in dân dungjuia kahlu taka insêrna, dân hrona-dân dungjui a, dân dungjui a rōi

or kamûkna hmang or anṭlo hria kae, takkha hiva hei rakip hi Pathên lungdo chang thei mak. Pathên ṭongpêk dungjuia ami hen anmalung pumpui a anta kamûk sik hi ama tamadu kha kae.

Nimalung pumpuia Pathên kamûk sik hi ama tamadu pen, khana hing kapō kamûkna hi einin Ṭongteptthera nihmu a kae, khana abân kanai tak a inthem-chukna hei hin, hmalai a Christian hei kamûk dân leh tuning Christian hei kamûk dân chung changa nitei sik kae. Kaṭha a ni inthem-chuk achang inchu, kamûk dân hong in ang sik khan Pathên tarahlang kamûkna khâm kachang sik a kae.

ṬONGDER HEI

1. Ṭongteptther shunga kamukna heiya mo nihmusōt?
2. Hiva lesson ni nitei nasik ajâr ajingte sun roh.
3. Athens kha Paul in hei khopui kapoa mo alei hmu?
4. Athen na koam mihei kamukdân kha ajingte sunroh.
5. Khava chung a Paul in heimo ati?
6. Paul sermon shunga mahru kachang ṭong rahme ajingte sunroh.
7. Tu hei hnenga mo alei rih?
8. Hei jârra mo limsyem anta lei kamuk?
9. Lim hei kha hei a inphut mo anta syem hei?
10. Lim syem taṭlo tor makna ajingte sunroh.
11. Kadik tak leh akahring anhret mi khan lim syem kamuk nasik amai-kunga ankun sik mo?
12. Tuning um nikârra lim syem anmuk mi kaom me mo?
13. Matthew 15:9 sun roh.
14. Matthew 7:21-23 teisōt roh.
15. Anemna kasea Pathên kamuk kha hei mo?
16. Mi inkhat derna kha Christa rahming a ader achang jârra Pathên in arahlang bat sik mo?
17. Khang khava derna mo Pathên in amadu?
18. Nita kamuk sik heinâk kha hei mo kachang sik?
19. Pathên in ama inmuk sika tanti aṭōn ahei mo?
20. Hei khong mo Pathên anmuk sika antûk sik hei?
21. Rathla le kadik a Pathên kamuk hi inchenna rih roh.

Lesson 5

Hma Lai-A Christian Hei Kamûk dân

Mihring hen hei khonga mo Pathên anta kamûk, khonmo anta kamûk, hei pha a mo anta kamûk, a-emak leh hei mo anta kamûk hi kaṭloi thimma enna neihri. Tuninga Bekrup hingya hen Pathên ankamûk khana anta kamûkna hlam in-ang pêt mak a kae. Hei jârra mo Pathên anta kamûk na ṭôn hlam an-ang mak? Hiva an-ang mak na hi omphom kasuk mo? Pathên taman ṭlo hnum me kamûkna ṭôn hlam dung juia Pathên nita kamûk mo tia heikhong mo nimanhret tor sik? Hiva manhret thei nasik Bible a kase sik me khana hma lai-a Christian hei kamûk dân leh tunlai-a kamûk dân hi an ang mo, nita an manchen sik kae.

Pentecost kani ning, Bekrup anphōnsōt kahnunga, hin hin ansunna kaom, Khang khan sonle heia inphut them inchuna, inloi khômna khana thlaithleng o-sōmna leh derna neisōmna anpha anlei hmang joa kae (Acts 2:42). Christa kahnung kajui hei khana akataksen hei khan Sonle hei mantheina ngîr hmunna kanet taka lei kaom hei. Anmanin hei mo anta lei ṭlo? Kamûkna ṭôn hlam rakip Bible shunga anlei sun mak achang innum, kamûkna inthum hi nihmu. Inkhat changna, inloi khômna or pêkna, inhni changna thlaithleng o-sōmna khana inthum changna, derna.

Phakhat so leh Paul in Pathên ṭong kahri sik lei kalonna, Troas ram shungalei se lai khan omhmun inkhat a kaom Christian hei leh Pathên kamûk sōmna anlei nei ah kae. Hing hin ansunna kaom, “Hapta kani hma keipen kani ning khōhleia lenkhôm thlai kasasōm sik a lentûp ung. Ajing kani leh chu akase sik jo ung achang jâra mihei hneng khan jân ṭhangṭim katlung Paul in ṭong aleihri” (Acts 20:7). Pathên kamûkna kani kha hapta kani hma inkheipen kani ning tia nihmu sōt sik. Paul in Troas hramma, omhmun inkhat a kaom Bekrup hei hneng ṭlophutning alei tung ravâng, anmani leh kamûk sōmna anneithei nasik, inhri ning kani ahei tung hmaseng, hapta akheng pêt a lei kaom, khana Pathên kani ning akataksen hei leh Pathên anlei kamûk sōmma kae. Hiva bân kajui khachu, hiva kani ning hin Christa kahnung kajui hei or Christian hen Rōngpu Jân-Thlaisâk sâk sōm nasik lentup hei. Khana achaina penna hiva kani hi Paul in Pathên ṭong Intheng hri nasik pha kha alei nei khana aman ṭong ahri so leh hmun hlop inkhat ting lei kase sōt joa kae. 1 Corinthian 10 khana 11 ah Rōngpu Jân-Thlaisâk kahlu na chung changa Paul in Corinthian na kaom au leh nai changpui hei hneng ah hing hin lekha alei mazet ah kae. Ajârchu, nangni kapêk sōt jo chei mantheina kha ken Rōngpua inphut kahmu sōt insena kha kae, ti chu Rōngpu Jesu pêk sōt a a-om sik ning jân khan aman buhlom kha aloa, Pathên amanpâk a, har

akhōia, ahri, “Hivahi nangni tasâk sik a anpesōt kataksa kha kae. Kei mandon sōt nasik hi tlo ruh,” ati. Kha leh in-anghrep a, anmanin ansâksō pha, aman kōklei kha aloa khana ahri, “Hiva kōklei hi kathisenna mēr chîkna kata et khum jo Pathên tongtep ther kha kae, nangnin nan-in akaia kei mandon sōtna nei ruh.” Hiva buhlom hi nansâk a, hiva kōkleia nan-in akaia Rōngpu ajōng mak hma seng nangnin athina tong kha nanhri manṭhang jo tina kae. Hiva bân kajui khachu tu achang inum Rōngpu kajâna kasea buhlom akasâk khana kōkleia aka-in mi kha Rōngpu taksa leh thisen kadōia thena leh setna achen kae. Khava jâra mi rakip ama abinga in-ensui sona buhlom kha sâk rasoh, khan chu kōkleia khan in rasoh. Ajârchu buhlom kasâk leh kōkleia ka-in mi khan Rōngpu taksa achangna jâr manhret loa asâk achang inchu, asâk a-in khan abinga chung a tong tanna ajōng rôn manhlut a kae. Khava jâra nankâra mi katamtak katlâksam cheia, nat nanravei, khana katamtak kathi jo hei (1 Corinthians 11:23-30).

Tong mahru kachang ajingte enna neihri.

1. Paul in Rōngpua inphut ahmu sōt insena kha kae.
2. Buhlom kha taksa man-enna, khana kōklei kha thisen tēkâk kae tia Paul in alei hri.
3. Ataksa leh thisen mandonsōt nasik anta sâk khana anta in sik kae.
4. Hiva buhlom hi nansâk a, hiva kōkleia nan-in akaia Rōngpu ajōng mak hma seng nangnin athina tong kha nanhri manṭhang jo tina kae.
5. Tu achang inum Rōngpu kajâna kasea buhlom akasâk khana kōkleia aka-in mi kha Rōngpu taksa leh thisen kadōia thena leh setna achen kae.
6. Khava jâra mi rakip in Rōngpu Jânthlai sâk ansak mak hma abinga in-ensui sona buhlom kha sâk rasoh, khan chu kōklei kha in rasoh. Hiva tina khachu, mi inkhat in asetna jârra Rōngpu Jân Thlaisâk sâk nasik alei intluk mak jo achang innum, Pathên hneng malung intheng taka anpêk sōt jo achang inchu, aman asak thei sik. Mi inkhat in Christian hei omdâna a-om mak joa, khana ama tamaduna ringkhō ah alei-om jo achang inchu, Rōngpu Jân Thlaisâk sâk thei mak ning khana Rōngpu Jân Thlaisâk na tōn hlam um jao thei mak ning. Khava jârra, mihring inkhat ringkhō a akaṭhamak setna rakip adalon (alosōt) sopêt leh, taksenthei kachang Christian ringkhō inkhat a aman Rōngpu Jân Thlaisâk asak thei sik.

7. Pathên mi hen Rathla hlanga intûpkhomna inhouhlimna hi aṭhat chenna khap mak sik kae, Paul in ahri kapōa ajârchu mi rakip ama abinga in-ensui sona buhlom kha sâk rasoh, khan chu kōklei kham in rasoh. Pathên in malung mandonna amusōta kae, takkha Bekrup mihlip inkhat in malung mandonna kha hmusōt tor mak a kae. Khava jârra mi inkhat chung a tong

tran nasik raṭha neimak me, tâkkha Bible mantheina dungjuia mi inkhat in aṭōn ṭlona chung a an-ngeitō sik hi aṭōn kae.

Corinthianna kaom akataksen hen Rōngpu Jân Thlaisâk kha saklom kapōa anlei sâk khana anlei manui so jârra pual in alei rakôk hei, 1 Corinthian 11. Khava jâra sōpuihei, tûnchu, Rōngpu Jânthlaisak kasâk sik nan-intûp pha, inkhat leh inkhat inhngâk ruh. Pathên in nanchunga ṭong atan mak nasik, nan-intûp pha, von kaṭâm a-om inchu a-inna heisâkdek rasoh. Christa kataksen hen Pathên anmûk sik a anhong antûp pha kahlu tak ah anta hlo sik kae. Anmanin ataksa leh athisen mandon sôt nasik, buhlom hi antasâk sik khana hiva kōkleia hi anta-in sik kae.

Paul in pêkna chung changa alei hri sôt na kha 1 Corinthians 16:1,2, ah nihmu. Tûn, Judea ram a Pathên mihei inthōpui nasik sêrtōklôm chungchâng; Galatia Bekrup-hei hneng kahri kapōa, Nangninum nantaṭlo sik kae. Kei kahong pha leh sêr ṭheina a-om mak nasik , hapta kani hma inkei pen kani ning, mi rakip in ahlosôt dungjuia apêk sik kha ahlop a lei manbûk ruh.

Hmuchi kaṭlomtek kavor mi khan akatlômtek alōk sik kae; hmuchi katamtak kavor mi khan akatamtak alōk sik kae ti hi mandonsôt ruh. Mi rakip in antapêk sik kha katlai senga anpêk nasik mandon hei rasoh, rumhrat tak a maner pum a pêk mak rasoh; ajârchu, malung katlai senga kapêk mi kha, Pathên in alungset kae (2 Corinthians 9:6,7). Khava jârra Pathên ka-oi mi hen anta pêk ngêr sik hi inhōrna ninei. Khana einin hiseng hi inthem-chuk mea kae.

1. Hapta kani hma keipen kani ning, mi rakip in ahlosôt dungjuia apêk sik kae.

2. Pathên ka-oi mi rakip in anta pêk ngêr sik kae.

3. Mi rakip in pêksik anta mandon dungjuia pêk hei rasoh.

4. Mi rakip in antapêk sik kha katlai senga anpêk nasik mandon hei rasoh. Ṭongtephther shunga ṭithe chung changa mumak me, khana heiya mo nita pêk sik um hmu mak me.

5. Apha mak hma a anmalunga alei mandonna dungjuia anta pêk sik kae.

6. Rumhrat tak a maner pum a pêk mak sik kae.

7. Malung katlai senga kapêk mi kha, Pathên in alungset kae.

Ṭongtephther shunga hlasak chung changa arup leh achang hingja hi nihmu, khana khava hei kârra Paul leh Silas in khumma anlei omlai derna annei a Pathên manpâkna hla anlei sâk a kae, tâkkha Pathên kani ning Pathên anmûk sik a hong intûp hei kha Pathên ka-oi mihen hla sak nasik lentup hei ti tēkâk hmu mak mea kae. Achang ravâng, raṭha hrōkna kanei lekha kasun

hen (sonle hei), hma lai-a Pathên ka-oi hei Pathên kamûk dân kapō, Christian hen Pathên kamûkna a hla anta sâk sik hi ÷ongpêk alei pêk hei (Ephesians 5:19, Colossians 3:16).

Tun, hi hei rakip nihei manchun kârra, hapta kani hman inkhei pen kani ning , derna nei nasik, Pathên ÷ong inthemchuk nasik, hla sâk nasik, pêk nasik leh Rōngpu Jân Thlaisâk sak sôm nasik Pathên ka-oi mihen lentup hei. Ra-leichunga lekha kasun hingya hen anta lei sun manhlut kapōa, hma lai-a lei kaom Christian hen Pathên kamûkna anlei nei, kha leh an-ang hrep a tuning Christian hen anta ÷lo sik kae.

ᵀONGDER HEI

1. Bekrup hei kamukna kha an-ang mo?
2. Pathên lungdo dungjuia nikamuk mo ti hi heikhong mo nimanhret tor sik?
3. Pentecost kani ah bekrup anphonsōt kanunga bekrup kha hei mo kati jo?
4. Acts 2:42 sun roh.
5. Sonle hei khan hei mo ban kanaia anlei ÷lo?
6. Hiva lesson para shunga hin kamukna ÷ōnhlam ranga (5) hei kha akhenga ansun hei mo?
7. Troas khopuia Paul in hei jârra mo pha chomkhat leikaom?
8. Acts 20:7 sun roh.
9. Hei hapta kani a mo Christian hen intupna kani anlei hmang?
10. Intupna anᵀōn ÷lo ajing sun roh.
11. Corinthians hei khō tu hei mo?
12. Pual in Rōngpua inphut hei mo ahmu?
13. Hei jârra mo buhlom le kōklei anta sak sik?
14. Hiva maenna hi hei mo?
15. Hei khong mo mi inhat in pui katluk mak maong a asak thei mak sik?
16. “Abi bing a in ensui sona sak rasoh”, rih manchen roh.
17. Abinga insuk inset nasik asak sik mo?
18. Rōngpu Jân Thlaisak nalo mak inchu Taksenthei Christian inkhat kachang thei sik che?
19. Pathên mi hen Rathla hlanga intûpkhomna inhouhlimna hi aᵀhat chenna khap mak sik kae. Nikhap thei sik mo? Hei jârra mo?
20. Rōngpu Jân Thlaisak ansak na chung a hei jârra mo Paul in corin-

thians hei chung a lei rakok hei?

21. 1 Corinthians 16:1,2, tei roh.

22. Hei kani a mo Christian hen anta losōt dungjuia anta pek sik?

23. Heiya mo anta pek sik?

24. Heimo anta pek sik?

25. 2 Corinthians 9:6,7, sun roh.

26. Khog khava kapo kape mi hei mo Pathên in alungset hei?

27. Kamukna tōnhlam 5 kha sun roh.

Lesson 6

Pathen Kamukna Kani

Ṭongtephther shunga kamûkna kahluna chung chang rûk chang loa Pathên in ami hen khava kani ning khan antûp heiya ama anta kamûk sik hi amadu tia amanthei me. Khava kani kha hei kani mo?

Tuning katlung kamûkna kani hi Sabbath kani kachang sik khana Sabbath in ala khit manchun me anti. Hiva hi kadik thei sik mo? Dân kha alei losōt mak joa chang inchu, 2 Corinthians 3, Colossians 2:14; Hebrews 9:16,17, khana Hebrews 10:9 dung juia kachang sik kae. Paul in Jehudi hei kha Sabbath kani ning alei intûp pui hei jârra makhê na anlei neiya kae. Hiva tong hri hi kadik thei, tak-kha Sabbath ning Pathên anmûk sika inkhom hei kae tia manhmuna hmu mak mea kae. Khava kanek ah, Paul in Pathên lungdo taka Pathên tong manthei na aneitor nasik alei inkhom pui heiya kae.

Sabbath kani hi Pathên Kamûkna kani a e-mak joa achang inchu, hei kani mo kachang sik? Hiva tongder mason nasik einin Ṭongtephther shunga Bible arup leh chang hingya nihmu. hman inkheipenna, Ṭongtephther shunga nihmu chrstian hei khan Pathên anmûk sika lentup hei, khana hei kani ning mo antûp hei, nihmu sōt sik. Ṭonghmor man-enna, Troas khōpui shunga Paul in alei lon lale lai, omhmun inkhat a kaom akataksen hei leh (local Christians) kamûkna anei sōm thei nasik hapta inkhat aleihlop ah kae. Hapta kani hma keipen kani ning khōhleia lenkhôm thlai kasasōm sik a lentup ung. Ajing kani leh chu akase sik jo ung achang jâra mihei hneng khan jân thangtim katlung Paul in tong aleihri (Acts 20:7). Acts 20:6 ni-en kârra Paul kha Troas khōpuia ni sari (7) lei kaom. Inhrin ning kani or Sabbath ning lentup hei, takkha ansun dungjuia aman akataksen hei kha inhrin ning kani ning or Sabbath kani ning alen tûp pui tikha chang thei mak, khava kanek ah hapta kani hma inkheipen kani, Sabbath kanunga kani hman inkheipen kani ning kae. Hinna kahlu penna kha hei mo?

Hapta kani hman inkheipen kani kha hei kani mo? Dân thōiya Sabbath kani hi hapta kani sun 7 tūkning kani kae. Sabbath kani kha hapta shunga ni sari (7) tūkning alei chang jo achang inchu, hapta khat ah kani 7 rûk kaom sik kae. Khana ni 7 maṭhang bat ah hapta kani hman inkheipen kani sêrning kani kha kachang sik kae. Sêrning kani, hapta kani inphutna, khana nini tūkning kani, khang khan bân kanai tak a kani kaom a kae. Kadik, atunna pha shunga Sunday or Sêrning kani hi hapta kani anphutna kani kha kae.

Hei jârra mo hapta kani hman inkheipen kani ning Pathên anta kamûk sik? Intheng tak ah, Moses dân nōi a hapta kani anchaina pen kani ning inhrinning kani (Sabbath day) Pathên anlei kamûk ah kaeh. Khana Christa dân thōiya Pathên anmûk sik rakip in hapta kani hma inkheipen kani ning anta kamûk sik kaeh. Hiva tina chu hei rakip chungchonna Pathên Rengram leh adikna jong hmasa pen sik kaeh. Khana bân kanai ah ni-en pha, inhni tlukna Pual in Corinthian a kaom au le nai hei hneng khava kani ning khan anta nei kakhom anpêk nasik ṭongpêk alei pêk hei, Tûn, Judea ram a Pathên mihei inthōpui nasik sêrtōklôm chung châng a nanta heimazet ngeitōna. Galatia Bekrup-hei hneng kahri kapōa, Nangninum nantaṭlo sik kae. Kei kahong pha leh sêr ṭheina a-om mak nasik Pathên kani akai, mi rakip in ahlōsōt dungjuia apêk sik kha ahlop a leiman khôm ruh (1 Corinthians 16:1,2). Hei jârra mo hiva kani (Sunday) hi anmalung shunga anta mandon, anta nei kakhom pêk nasik kani kae tia anta lei mantluk? Ajârchu hiva kani ning hin anmanin Pathên anmûk sik hong intûp sik hei, khana mi inkhat tapêk kha anhmu pha alak hei lungria maduna le them inchuna achang thei nasik ah kaeh. Kadik tak a Pathên kamûkna kani kha Inrinning Kani (Sabbath Day) alei chang inchu, mi rakip in ahlosōt dungjuia Pathên kani akai ah apêk sik kha lei manbuk ruh timak ning. Alet inkhat ting ni-en pha, tuning Inrinning Kani (Sabbath Kani) ning Pathên niman pak or kamûk sik kae anti ravâng, Pathên ṭongpêk dungjuia Sunday ning pêk nasik antluk hei mo? Alei intluk mak jo achang innum, intluk nasik pha lakaom riah kae.

Hapta kani hman inkheipen kani hi John in Pathên kani kae alei ti. John in ati, Rōngpu kani ning kei kha Rathlan aleiṭhōi eng, khana kakahnung ting pengkun mahring rasâ kapō inhnâktak inkhat katheia kae (Revelation 1:10). Ani katlai ah Pathên kani nihman chang sik hi kadik tak kae, tâkkha hiva Pathên kani alei tina pen chu ahlopdet kani inkhat tina kachang sik. Hinna Pathên kani tina chu, hapta inkhat shunga kani hma inkheipen ae-mak le Pathên kamûkna kani tina kae. Kha achang inchu hei jârra mo einin Pathên kani tia nibek.

Tâkkha, hei jârra hapta kani hma inkheipen kani hi kahlu hêr? Ṭong ka-

dik hingya hei chungchonna, Dân na antheek hong kaom dungjuia atun chu hei rakip chung Rōngpu hi hman inkheipenna nida sik kha kae.

1. Pathên kani ning Christa lei kathōisōt.

Christa thōisōt ning kani jingkar hma tak a tia hing hin inzet, Châmngat kani ning sōa, Vârsyem ning jîng khōvâr aphut jo pha, Mary Magdalene leh alak Mary thlân ka-en sik a kase hei (Matthew 28:1).

Khava Pathên kani ninga khōhlei ting khan, sonle hen Jehudi Seh-mang-Pachonghei anṭit hei jâra kot ankama lentûp hei. Khava pha Jesu kahonga ankâra hong kangîra, “Mōngnan ompui chei rasoh,” ati hei (John 20:19).

2. Pathên kani ning Jesun asonle hei heng lei inlârri kae.

Jesun Pathên kani ning thlanna inphut leikathōisōt bêk um chang loa, khava kani hma-hma asonle hei hneng lei inlâr sōt, khana khavaso le avea Pathên kani ning khan lei inlâr sōt nôk a kae. Kani vekhat sōa sonlehei kha Thomas invōina innshunga intûp nôk jo heia kae. Kot-hei ankirpêt, tâk Jesu ankâra hong kangîra anhnenga, “Malung mōngnan ompui chei rasoh,” ati hei (John 20:26). Jesun hapta kani hma inkheipen kani ning asonle hei hneng anlâr so kahnunga, vōihni tlukna avea ni 8 tlukning lei inlâr nôk a kae. Hiva ni 8 tlukning kani kha hei kani mo kachang sik? Hapta shunga kani hma inkheipen kani kha kachang sik kae. Hiva hi kadik tak kae. Hei jârri mo hiva kani hi nidamdonṭhak sik inkhata Pathên in nilungria ada pêk me? Ajârchu Christa dân thōiya hiva kani hi kahlu tak kani inkhat kachanga kae. Khana hiva kani hi Pathên kamûkna kani kachang sik kae.

3. Bekrup anphutna kani kha Pathên kani hi kae.

Pathên in thlanna inphut athōisōt kanung a sun 50 tluk ning khan Pentecost kani hong katlung kae. Jesun hapta kani hma inkheipen ning alei thōisōt achang inchu, sun 50 sōa Pentecost kani hong katlung kha kae. Khana pentecost kani kha hei kani mo kachang sik? Hapta shunga kani hma inkheipen kani kae.

Pentecost kani hi hei jârri mo kahlu? Ahlu na pen chu, Pentecost kani hi hapta kani hman inkheipen kani ning bekrup alei photsōt ah kaeh. Hi rûk chang loa, ṭōn kahlu nunchen hingya kasōk ria kae. Hiva ṭōn kahlu rakip hi, hiva kani hin lei kasōk heiya kae. Ṭongmor tēkâk inkhat ah, hiva kani ning Rathla Intheng lenkhong (kajōng), akadik tak Pathên ṭong intheng anlei hri sōt, ṭongpêk kajui hma kakeipen hei kha huk manhring anleichen khana huk manhring kachang jo hei kha Bekrup ah hapsade kachang hei, khava jârri hiva kani ning ah kasōk thoudok (ṭōn) rakip hi einin mumase sik e-mak ah kae.

Hapta kani hman inkheipen kani hi Rōngpun ami hei inpun khom nasik alei kadeisōt kani kae ti hi nihnumtor sik jo. Hiva kani ah hmanlai ah Chris-

tian hei lentupna tēkāk kha nihmu, khana Pathên hneng pēk nasik tong alei pēk hei jârra, nimalung shunga kaom inmakna rakip hiva tēkāk hin alosōt pēk jo me. Mandon thak sik inkhat nôk chu, hei rakip ah Rōngpu kamûkna hin hma nida sik kae. Khava jârra hapta kani hman inkheipen kani ning akataksen (Christian) rakip hen ama thina, thlana inphut thōisōtna kha mandon sōt nasik antûp heiya kae.

TONGDER HEI

1. Pathên kamukna kani hi amahru kachang mo?
2. Rōngpu kamuk nasik kani ahlop inkhat Pathên in akadei sōt mo?
3. Tuninga um Sabbath Day lakaom mo?
4. 2 Corinthians 3, Colossians 2:14, Hebrews 9:16,17, Hebrews 10:9, Luke 24:44 In Hei Mo Amanthei Me?
5. Sabbath kani ning, Jesun hei jârra mo Jehudi hei alei inhmu pui hei?
6. Acts 20:7 dungjuia hei kani a mo Chritian hen lentup hei?
7. Inhrin ning kani (Sabbath Day) Pathên kamukna kani achang inchu, hiva kani chang loa, hei jârra mo sonle hen hapta kani hma inkheipen kani ning lentup hei?
8. Hapta kani hma inkheipen kani kha hei kani mo?
9. Hei jârra mo hapta kani hma inkheipen kani Pathên kamuk nasik kani tia andei sōt?
10. Corinthians hen Anta hlosōt dungjuia apek nasik intupna kani kha hei kani mo?
11. Pathên kani hei tina mo?
12. Hapta kani hma inkeipen kani hi hei jârra mo akahlu ?
13. Hei kani a mo Jesun thlanna inphut kathui sōt?
14. Hei kani mo Pentecost kani kha?
15. Pentecost kani a kasōt omchen ajingte son roh.

Lesson 7

Pathen Kamukna (Lim) Manhmuna

Tuning raleichunga dharmo hingya a-om jo jârra kamukna tōn hlam um hingya kaom jo. Catholic hei kamuk dân hi, milak hei kamukna leh an-ang mak ahlop binga kamuk dân anei ah kae, khana Protestant Bekrup hei um kamukna chung changa tlo dân (tōnhlam) ahlop hingya anei ah kae. Hiva tina chu, hmun hlop hlopa kaom Pathên kamukna hi in-ang mak a kae, an in-ang makna jongsōt nasik kani leh thla hingya ni man hmang thei sik. hivahi hei jarra mo kasōk? Ama hi Pathen tahman tluk tōn kha mo?

Bible in amanthei me, khachu Bekrup inkhat rûk kaom kana khava Bekrup kha Rōngpu Bekrup kae (Ephesians 4:4; Matthew 16:18). Bekrup sik aḷodân (manhmuna) kha Ṭongtephther hi kae. Hiva Bible mantheina hi kadik achang jârra.

Pathen anmuk sik ah ṭongpek lenpek kha Rōngpu Bekrup hnenga lenpek kae, khan kamukna aḷodân (manhmuna) kha an-ang sik kae.

Rōngpu mihen heikhong mo Pathen anta kamuk sik nimanhret hnum achang inchu bible a anle sik me kae. Ṭongtephther changloa manhret thei nasik ahlam alak heite ommak a kae. Ṭongtephther ah nise pha, kamukna shunga hei mo niḷo sik khana ṭlo mak sik inchenna nihmu tor sik. Ṭongtephther in ahnōia anpek hei hi amalâr sōt pek me.

1. Kamuk Sik Rahōi Kasōk Kha Pathên Rûk Hi Kae.

Seitan in Christa hneng anmansinna alei nei pha, Jesun amasôn, Seitan sesōt roh, Ṭong intheng in hinga ati, “Nang in Rōngpu napahen rōk kha na-kamuk a narazen sik kae”.

2. Pathên Kamukna Kani Hi Hapta Kani hma Inkheipen Kani Ning Kachang Sik Kae.

‘Kei kahong pha leh ser ṭheina aommak nasik, hapta kani hma inkhei pên kani ning, mi rakip in alho sōt dung juiya apêk nasik kha ahlop a lei manbuk ruh’ (1 Corinthians 16:2).

3. Akataksen Hen (Christian) Rōngpu Anta Kamuk Sik Kae.

Hiva man-enna hi nihmu, Khang khan sonle heia inphut them inchuna, inloi khômna khana thlai-thleng o-sômna leh derna neisômna anpha anlei hmang joa kae (Acts 2:42). Serning kani ning khōhleia khan lenkhôm thlai kasasôm sik a keini lentûp ung. Paulin ajing kani leh chu akase sik jo achang jâra mihei hneng khan jân ṭhangṭim katlung khang khan ṭong aleihri joa kae (Acts 20:7).

4. Heikhong mo Pathen nikamuk sik tia Ṭongtephther in amanthei me.

Christa’n ati, Tâk-kha pha kha katluk jo, tûn jo hi kae. Kadik tak a in-muk hei khan Pa kha kadik tak a leh Rathla a antakamuk sik hi Pa tamadu kae. Pathên hi Rathla kae, khana ama anmuk sik mi rakip in Rathla leh kadik tak ah anta kamuk nger sik kae” (John 4:23-24).

5. Pathên Kamukna ṭōn hlam Ranga (5) Hi Inchenna Amanhmu Me.

Khahei khachu, (1) Bible Them inchu (2 Timothy 2:15) (2) Derna (Acts 2:42), (3) Hlasak (Ephesians 5:19), (4) Rōngpu Jân Thlaisak (Matthew 26:26-28) khana (5) pek (2 Corinthians 9:6,7). Ṭongtephther shunga anhmu sōt kamuk-na ṭōnhlam hei kha hiseng hei hi kae. Khava jârra Pathên kamukna chung changa anpe dungjuia nini binga ansur tor sik me kae.

6. Pathên Kamukna Angaia Nintûp ʔhak Hi Taksenthei Kachang Tak Inkhat Ah Nibângmak Sik Kae.

Intûpna mi ʔhahrep chu invei mak hei, eini chu angaia nintûp ʔhak hi bângmak rih. Khava kanek a, Rōngpu Kani kha ahong hnaichet jo nanhmu jâra, kakhe chet a khat leh khat malung inthok tō rih (Hebrews 10:25).

7. Pathên kamukna hi antak changmak, kabeitek kae, achang ravâng mandon dân inkhat rûk ah niʔlo sik kae (bible dungjui a). Pathên anmuk or choi ka-anna hi antak e mak khana mi rakip um invei thei hei, khana mi rakip hongtlak nasik nibêk sik hei kae.

8. Pathên kamukna ʔōnhlam rakip ʔong intheng dungjuia kachang sik kae.

Tu achang inum ʔong kahrile khan Pathên ʔong kha ahrile sik kae; mi inzen khanum Pathên tapek araʔha neina dungjuia arazen sik kae, khavakha heirakip chung a Jesu Christa jâra Pathên kha manpâk a a-omthei nasik a kae, lûrna leh raʔha hratna ahei tik a Christa ta kae. Amen (1 Petêr 4:11).

ʔongteptera anpek ʔlodân dungjuia Pathên ankamuk jârra Christa Bekrup kamukdân hi rup hlop hlop hei kamukdân kanek inlak ving inkhat kachanga kae.

Rup hlop hlop hei kamukdân kapōa Christa Bekrup in kamukna ʔōnhlam ʔlo mak hei a kae.

1. Khutsem kare invei loa Pathên kamuk: ʔongtepther in inchenna amanthei me khachu, einin nikare vâng Pathên manpâkna hla nisak sik kae. Paul in ati, Kamukna hla, manpâkna hla, khana hla intheng ʔong vâng a khat leh khat inbek ruh; nanmalung shunga manpâkna hla leh inʔhōia Rōngpu hneng choi ka-âna hla leh kamukna hla sak ruh (Ephesians 5:19). Hlasak chung changa kakhe det a lenthem chuk sik me.

2. Milak hei hneng Rōngpu Jân Thlaisak khap (Close communion) ommak a kae.

Close communion tina chu, Bekrup shunga mihlip kachang mak hneng Rōngpu Jân thalisak antakhap). Hiva chung changa Paul in hing hin ati, Khava jâra mi rakip ama abinga in-ensui sona buhlom kha sâk rasoh, khan chu kōkleia khan in rasoh (1 Corinthians 11:28).

3. Tithes (sōmma inkhat) ommak a kae.

Avea Paul in ati, Kei kahong pha leh sêr ʔheina a-om mak nasik Pathên kani akai, mi rakip in ahlōsōt dungjuia apek sik kha ahlop a leimankhôm ruh (1 Corinthians 16:2).

4. Pathên kani kachang mak, kani lak lak a Pathên sêr ʔheina ommak a kae. Rup hlop hlop hen, Pathên kani a e innum a e mak innum sêr ʔheina an-

nei riah ke. Tâkkha Pathên kani akai a akataksen hen anta pek sik hi Pathên lungdo kae. (1 Corinthians 16:2).

5. Kamukna shunga hlasak sik hi hlakasakrup, hla mahrit sakna hei kapō e mak a kae.

Bekrup mihlip rakip in Pathên manpâkna hla khana intupkhomna hla anta sak et sik hi bible mantheina kae. Ajârchu khanga ken ÷onghlop ÷onga kader inchu, karathlan chu ader kae kadik, tâk kamalung khan chu invei mak a kae. Khan chu ken heimo kaṭlo sik jo? Karathla vâng kader kha kamalung vâng um kader sik kae; karathla vâng hla kasak kha kamalung vâng um kasak sik kae (1 Corinthians 14:14,15).

6. Easter khana Christmass hei kapō kamukna kani hlop ommak a kae. Paul in Galatia kaom Bekrup hei hneng ÷ong kangêr taka alei rakôk hei. Nangnin ahlop mônga kani, thla, pha khana kumhei chungana nanmalung nanmanhlut a kae. Nangni sik a kamalung inrim! Kaṭon ṭlo rakip hei hi hmangna kase nanta manchang sik mo? (Galatians 4:10,11).

7. Rup hlop hlop hei kapōa, Rōngpu Jân Thlaisak, thakhat a veikhat achang mak leh vei hni, kumkhat a veikhat kapō ommak ah kae. Khava kanek a Pathên kani akai a Rōngpu Jân Thlaisak ansak a kae. Hma laia Christian hen Pathên kani akai a Rōngpu Jân Thlaisak anlei sak a kae. Serning kani ning khōhleia lenkhôm thlai kasesôm sik a lentûp ung. Ajing kani leh chu akase sik jo ung achang jâra mihei hneng khan jân ÷hangṭim katlung Paul in ÷ong aleihri. (Acts 20:7).

8. Dân dungjuia kahlutak dharmo ÷onṭlona, inserta dân ah, pi leh pu hei anphut a chondân kapō tak a Pathên kamukna ommak a kae. Ajârchu nampusôn heia inphut hringkhō kahnemmak nanta hong chen a inphut, ning leh hnōma masōna apek chei kha nangnin nanmanhret; khavakha anhmanng thei sana leh dângka kapō kha changmak (1 Petêr 1:18). Khana hivahi en kaṭha ruh, Christa a changloa vâhnōi vaikarôn rathla inphut, mihringhei mantheina inphut, hmemna kase mihōnna singna inphut nangni tûten sōk manchang mak chei rasoh (Colossians 2:8).

9. Christa Bekrup in mihring hei mantheina kha Pathên dân kapō tak a hmang mak heiya kae.

Nangni Christa leh kathisap jo chei, khana vâhnōi ralei vaikarôn rathla a inphut masō jo chei kae. Khan chu heisa mo hiva raleichung ta kapōa alakahring chei? Heisa mo khang khava dânhei kha nantalajui. “Hivahi sitmak roh,” “Khavakha mantem mak roh,” “Alak kha tōnmak roh?” Tina hei kapō. Hihei hi vōi khat nihmang henchu hmangthei ka-e-mak rōk hei kha kae; hihei hi mihring dân leh intheina rōk hei kae (Colossians 2:20-22).

10. Kamukna shunga Old Testament tongpek kha jui mak heiya kae. Mi katam hlang in dân na anpek tong kha an anpha têkâk hingya anṭlo ria kae. Khahei kachu, tui be, sōmma inkhat, khutsem kare hei kapō, hiva hi ei- nin bible kha aluk alet a nihmanle kae. Dân khan akhit manchun mak jo me. Khava sōa aman ahri, “Nalungdo kaṭlo sik a kei hin ka-om eng, Eh Pathên.” Khava jâra Pathên in inthōina marō hei seng aman hmanga khava kathlenga Christa kha ada joa kae (Hebrews 10:9; 2 Corinthians 3; John 1:17).

Heikhat hapsa loa khana lo um losōt loa Tongteptther a anpek dungjuia Pathên nikamuk sik kae (Revelation 22:18,19). Tong intheng rakip hi Pathên kaphuk masa khum kae khana kahnem hêr, akadik manthei nasik, akadik mak rasei nasik, akaṭhe mandik nasik, khana kadik a hring nasik a manse nasik (2 Timothy 3:15,16). Aṭhat leh alūrna kachen sik a ani kabekpa nimanhretna khan, kadik a beklang hringkhōa nihring nasik, nirangei rakip kha Pathên raṭha hratna khan apek jo me (2 Petêr 1:3).

Mi rakip in N.T. ah anpek kamukna ṭlodân khan an hong inle inchu dhar- mo shunga inpumkhatna kaom sik. Ken ahlop khat a khana nang in ahlop khat a Pathên kamuk nasik tongpek hi ommak a kae. Khava kanek ah, nikhen- ga nikamukdân an-ang sik hi Pathên lungdo kae. N.T. a anpek aṭlodân kapō taka Pathên nikamuk achang inchu nikamukna dân akhenga in-ang sik kha- na kamukna kadik kha kachang sik kae.

ṬONGDER HEI

1. Kamukna inkhe hi hei jâra mo?
2. Bible shunga bekrup heiya mo nihmu?
3. Bekrup kha tu ta mo?
4. Bekrup manhmuna kha khon mo nihmu?
5. Kamukna manhmuna (lim) kha hei mo?
6. Tumo nita kamuk sik?
7. Kamukna kani kha hei kai mo?
8. Tu hen mo Pathên anta kamuk sik?
9. Hei khong mo Pathên nita kamuk sik?
10. Kamukna ṭōnhlam 5 kha sun roh.
11. Hei jâra mo khutsem kare hi kamukna ah nihmang mak sik?
12. Close communin hei mo?
13. Collection hi hei pha phat ah mo niṭlo sik?
14. Rup ah leh hla mahret sak hi hei jâra mo kadik thei mak?
15. Christmas leh easter kapoa kani hlop heisa mo kaom mak sik?

16. Rōngpu Jân Thlaisaksakna pha kha hei phat a mo nihlo sik?
17. Mihring hei mantheina leh ÷ongpek kha hei mo?
18. Pathên mi hen Old Testament hi Pathên dân kapoa anta lo thei sik mo?
19. Dharmo shunga inpunkhomna kaom thei sik mo? Hei khong mo?

Lesson 8

Bible Them Inchu (Inthemchuk)

Ṭongtephther shunga anzet kamûkna ÷onhlam 5 hei kârra Bible them inchu (study) him inkhat kae. Hma lai ah Christian hei neng Bible inchemchuk nasik ÷ongpêk lenpêk rûk chang loa anmanin Bible them inchu nasik leh Pathên kamûk nasik intûp hei ti tēkâk um nihmu a kae.

Bible them inchuna or intheina hi ani katlai ah mi inkhat hneng ae-mak le milak hei hnenga nihmang thei sik, tâkkha hinna einin nimandon or manhret sik inkhat khachu, Pathên kamûkna kani, hapta hma inkheipen kani ning, Pathên inmûk sika nihong intûp kârra Bible study him ÷onhlam inkhat kachang sik kae. Bible them inchuna ah anphut Pathên in eini hneng ÷ong ahri pêk mea kae.

Hiva Pathên kamûkna ÷onhlam hi Bible teina (read) ah anphut khana Bible them inchuna ah inphut ae-mak leh mi inkhat Pathên ÷ong intheng hri nithei a inphut kachang thei a kae. Troas ah kaom akataksen hei khan Pathên anmûksik ahong intûp pha Paul in anhnenga Pathên ÷ong intheng alei hri sôt pêk hei a kae. Acts 17:10-12 ah nihmu kapōa, Jân ahong changlim leh takasen hen Paul leh Silas kha Bereating antir jo hei. Anmani antlung pha intûpna innpuia leukase hei. Khava hmun a ka-om mihei kha Thessalonica mihei kanek a anmalung lentheng. Anmanin ÷ong inhri kha malung kahlut tak a anleirangei, khana Paul tahri kha akadik khet mo ti hmusôt nasik a nitina Ṭong intheng anleiteia kae. Mi katamtak in anlei taksen khana kalen kahrâng Greek nuhmei hingja leh pase katam tak henum anlei taksena kae. Jesun alei manthei hei, Nangnin Ṭong intheng rabu shunga kumsôt hringna kanhmu sik tia nanteia nanjong. Khana hiva Ṭong intheng hei hin kachung châng antahri kae! (John 5:39).

Paul in Timothy hneng mathona alei pêk, Pathên dikna ÷ong kha kadik a thenkhui roh , aṭon ṭlona chung a inzakna kaneimak mi inkhat kapōa Pathên hmâi kunga pui katluk manṭhatna chen nasik nator chenna intlo roh (rightly dividing the word of truth) (2 Timothy 2:15).

“Pathên lungdo kaṭlo hnôm hei kha anmahâm kaṭha; Pathên in pui katluk a amankhop sik hei! (Matthew 5:6). Tâk Jesun amasôn, “Mihring hi buhlom

vâng rōk a hring tor mak, tâk Pathên ƣongsō rakip vâng khan akahring sik kae, tia ƣong intheng in ati” (Matthew 4:4).

Bible inthemchuk rŭk chang loa Pathên dikna ƣong kha kadik a anthei sik me him kahlu tak inkhat kae. Nitathei a-emak leh nita rillele na chung a Pathên dikna ƣong kha kadik a nithe i khana nihri lele kachang sik kae. Sonle Pual in ahri, Khava jâra ƣong kha antheia inphut taksenna hi kahong, khana Christa kha hrilelena inphut ƣong kha kahong (Romans 10:17). Hiva tina chu, kakhe chet a, akadik kha nijongsōt mak inchu, akadikmak nitheina chung a nitaksena kha kadik mak kachang sik. Pathên dikna ƣong kadik kha nithe i inchu angai ah akadik kha nitaksen sik kae.

Atunna pha shunga Pathên in asapa vâng eini anbekpui jo me (Hebrews 1:1,2) tlang inshang chung a Jesu hme inthleng lai khan, Pathên ama khat in Jesu chung chang hing hin ƣong alei hri, Khangkhan ama aƣonglai khan sumtŭk kabâng hlom inkhat in amakhusi heia khana sumtŭk kâra rasâ inkhat in, “Ama hi Kasapa marit kae, achunga kamalung katlai, aƣong hri rangei ruh,” ajōng tia kae (Matthew 17:5). Jesun Pathên ƣong alei hri, Jesun amasôn, “Tu achang inum kei inlungset mi khan kaƣong hri ajuia kae. Kapan amalungset sik, khana kapa leh kei ahnenga kajōng sik unga kha ama leh ka-omsap sik ung. Tu achang inum kei aninlungset mak mi khan kaƣong mantheina hi jui-mak. Khana nangnin nantathe i jo mantheina hi kei ƣong changmak, tâk ani-jōng katir kapa hnenga inphut akajōng kae” (John 14:23,24). Hinga aƣong hri lensun, Hiva lekha shunga anzet inhlutmak ƣon kalen katamtak Jesun asonle hei hmâikunga aleiƣo ka-om hei. Khana nangnin Jesu hi Messiah, Pathên Sapa kae ti nantaksen thei nasik, khana ama nantaksenna vâng khana hring-na nannei thei nasik hivahei hi anzet hei kae (John 20:30,31). Khava Pathêna inphut kahlatak a nihei kaƣhōisōt, Pathên kahnōise hei leh akamohei inhou limna inphut tlânsōt roh. Khava intheina khachu taksa kapât ravōi kasâk inƣopsō kapō kha kae. Khava oja 2 hei khachu Hymenaeus leh Philetus hei kae (2 Timothy 3:16,17; James 1:25). Achunga anpêk ƣong kadik rakip nihmu pha, Pathên kani ning ama inmŭk sik nihong intŭp pha Bible inthemchuk nasik ajâr hingya hi nihmu ah kae.

1. Bible hi Pathên ƣong intheng achang jâra inthemchuk sik me kae (Hebrews 13:7, 1 Petêr 1:23; Ephesians 6:17). Pathên hi hei tŭk a inlak jo mo anthim a adalon mak me takkha alungdo kha aƣong intheng vâng amalâr sōt pêk me hi.

2. Pui katluk det ah Pathên lungdo nimanhret hnom sik kae (Acts 13:7). Khava jâra Pathên ƣong them inchu sik hi eini racham kae. Pathên lungdo manhret thei nasik khana Bible teina leh them inchu nasik khana manhret

thei nasik Pathên in singna apêk mea kae.

3. Mathlemna nitlak mak nasik Bible them inchu hnomna lunghri ninei sik kae. (Ephesians 4:14; Ephesians 5:6, James 1:22). Christian taksenna dân rahminga mantheina hingya mi anmanthei hei ah kae. Khava mantheina kha kadik dikmak heikhong mo nimanhret thei sik? Khachu nitathei ƣong kha Bible leh mankhi sik kae (khat le khat tekak). Pathên ƣong kari hei or Rathla kachoi hei kha Pathênna inphut hei mo hmu sôt nasik enman sin sik hei ruh tia John in mathokna apêk (1 John 4:1). Mi inkhat in bân kanai taka Pathên ƣong kadik kha ajongsôt achunga tûte inkhat bêk in hôn mathlak tor mak hei ning.

4. Mi lak hei hneng Pathên ƣong nihrilele tor nasik Patheh ƣong anthem chuk sik me kae. Paul in ati, Na-binga naƣong mantheina chung a insing thei roh, nami mantheina nang nabinga nansingthei achang inchu, nang leh kaƣong kathei hem huk manhring sap kachang sik chei kae (1 Timothy 4:16). Hma laia Christian chung changa hinga anzet, akataksen antheik hei kha hmun rakip a kase heiya ƣong kha anhrile joa kae (Acts 8:4).

Bân kanai ah them ni inchuna hin, 2 Timothy 2:15 ah Paul in hei mo ati ansumna hei rih, Pathên dikna ƣongkha kadik taka thenkhui nasik anthemchuk sik me kae. Bible hi Old Testament khana New Testament (ƣongtephther) inhnia inthen khuiya kae. Old Testament ah pa hei thuming leh Moses dân ahom a kae, khana New Testament (ƣongtephthera) Christa dân kha akem ah kae, Christa dân khan pa hei thuming leh Moses dân kha asuk manhmang pêk jo me. Old Testament hi Christa athi mak hma ah lei kaom hmi hei sik ansem dân rabu kha kae. Khava jârra old Testament khana ƣongtephther (New Testament) antiya kae. Tâkkha, eini omna dân kha, old Testament dân shunga mo ae-mak le ƣongtephther (New Testament) dân thōiya mo? Anga-ngai kapōa, cross hlangting niom jo jârra ƣongtephther shunga ansun kapōa Christa dân thōiya kaom me kae (Hebrews 9:16,17, Hebrews 10:9).

Old Testament dân thōiya niom mak jo achang innum, old Testament hi Pathên ƣong intheng kae ti taksenna nanei mo? Kadik, ama hi Pathên ƣong intheng kae. Achang ravâng hiva dân rabu hin eini amasō jo me, tâkkha ƣongtephther in akhit manchun jo mea kae. Kha achang inchu hei jârra mo Old Testament anthemchuk sik me? Anōiya anpêk ajâr hei hi ensōmna nei hri.

1. Pathên khutsem leh neinâk anphutna manhret thei nasik.
2. Mihring thuming khana anmani kha Pathên in hei khong mo alenthop pui hei manhret thei nasik.
3. Ajârchu hiva hi tēkâk sik ansun kae ati. Khava jârra tēkâk hingya

ahom ma kae. (1 Corinthians 10:6).

4. Dân maru shunga aḷodân sik kadik hingya tuning um kaom ria kae, tâkkha khahei rakip dân leh heite injôm thei mak ah kae.

5. Dân kaḥadet leh inhōrna kalen thōiya kaom jo me kae. (John 1:17).

Kakhedet a Pathên ṭong nimanhret thei nasik, kadik taka ṭong kha nithenkhuī thei nasik ah Bible them inchu nasik ṭlodân ajingte ansōm na nei hri.

1. Ave vea ṭong kung kha teisik.

2. Ṭong kung rakip teisik.

3. Ṭong kari kha tumo?

4. Tu hnenga mo ahri?

5. Hei phat leh mo ahri?

6. Têkâk or alim (Figurative) mo a-emak leh a e dân kapō hrep ah (literal) mo?

7. Ṭongpêk mo?

8. Kumsōthringna chung changa in-veive mo?

Khana hiva lekha hin Bible them inchuna chung a heikhat anemna kaom sik. Ala lak translation, Bible dictionary, Bible concordance, commentaries, etc. Hei rakip chung a, derna le inthōiya Bible tei inna inthemchuk roh.

Bible inthem chuk nasik Pathên kani ning anheng hei le nihong intûp pha, Bible manhret theina ninei det sik khana Christian ringkhō inkhat a khang chat nasik athop sik me. Hing hin nikhenga niṭlo sap achang inchu, ni Bekrup hong kakhang chachet sik, araṭha hong kaom det sik, khana dharmo lang tinga nithōn hei Pathên ṭong hi nikahuk inring kae ti manhnum torna ninei tor sik ah kae.

ṬONGDER HEI

1. Bible inthem chukna a tumo kajao thei sik?

2. Hei khong mo Pathên ṭong nithei tor sik?

3. John 5:39 ah Jesun hei mo ati?

4. 2 Timothy 2:15 sun roh.

5. Maham kaṭha hei kha tuhei mo?

6. Mihring in sak rûk ah kahringthei sik mo?

7. Hei khonga mo taksenna ankhong?

8. Akadik ma theina chung a hei mo amaso?

9. Tuning mihring hei hneng Pathên in heikhong mo ṭong ahri?

10. Hei jârra mo Jesu mantheina hei ansun na koam?

11. 2 Timothy 3:16,17 le James 1:25 sun roh.
12. Inthemchuk nasik intupsik me, ajing hri sōt roh.
13. Pathên dikna tōng kha kadik a thenkhui roh, hei tina mo?
14. bible ah nita hmu dân inthum hei kha hei rahlam hei mo?
15. Khava dân thōiya mo kaom me?
16. Old Testament hi Pathên tōng kajao mo?
17. Hei jârra mo Old Testament anthemchuk sik me?
18. Bible them inchu nasik ahlam pek roh.
19. Bible study khutlai hei kha hei mo?
20. Hei khong mo bible manhretna hin anthopui sik me ?

Lesson 9

Derna (Ngekna)

Derna him Tōngtephera (New Testament) kamûkna tōnhlam inkhat kae. Hma laia Christian hen Pathên inmûksik anlei intûp pha derna t̄loneina anei a kae. Record dungjuia, Bekrup anphōnsōt lim leh, khana anmanin sonle heiya inphut inthemchuk heiya, inloikhomna, saksapna leh derna chen annei eat a inloi khom johei (Acts 2:42). Katoî tēka enson rih, “derna chen annei eat a” ti manhmuna khachu kamûkna shunga derna hi akahlu taka inloa kae.

Derna tina chu, ngeitōna, inpak malârna, mi rakip sik a Pathên hneng tōk nasik ngekna tina kae. Hiva hi kamûkna shunga t̄loneina inkhat rûk chang loa anitin ringkhō a t̄loneina kha nimanchang sik kae. Paul in amazet, Hiva rakip hi derna leh inthōia t̄lo una, Pathên inthōpui nasik der ruh. Tōn kasōk rakip a, Rathlan hlam akei nasik chei der ruh. Hiva sik a inrin t̄hak a om ruh, masō hêrmak ruh; Pathên mihei seng sik a derthak ruh (Ephesians 6:18). Pha rakip a derthak ruh (1 Thessalonians 5:17). Hiva tina chu mi inkhat in ani katlai a dernumna lunghri anei sik kae. Hiva hi kahlu tak tōngpui inkhat ah nilo jârra tōng kahlu kachang alekte ansunna nei rih.

1. Christian or Pathên sa hei sik derna hi mantlukdika da (nunga sik daṭhat) kha kae. Hiva tina chu Christian kae-mak hei derna neitheî mak hei ning tina e-mak, takkha derna hi Christian hei sik mahâmṭhatna leh vâng-pêk kha kae. Pathên in mikaset-hei tader theipêk mak; tâk ama kajâna kapêk hei leh amadu hlam kaṭlo mihei derna athei pêk hei ti einin nimanhret (John 9:31). Mi inkhat derna Pathên in arahlang nasik omdân kha enrih, ama kha Pathên anmûk mi kachang sik, khana Pathên lungdo dungjuia tōn kaṭlo kachang sik kae. Khava mi kha tumo? Christian hei kae. Alek inkhat ting, hei jârra mo setna kanei mi inkhat in derna anei? Aman asetna hei ingeid-am achang thei nasik derna anei thei ajârchu Jesu Christa'n hing hin ati, mi

inkhat in huk manhring achen nasik Jesu Christa kha ataksen sik kae khana baptise achen sik kae (Mark 16:16). Taksen nasik derna neithe mak ning ajârchu taksenna kamaso sik a Pathên tong hi kaom jo. (John 20:30,31; Romans 10:17). Setna kanei inkhat achang jârra heikhat sika derna neitor mak ning.

Einin Tongtephera anpêk Pathên tong hei hi nitei sôt pha, derna hi Christian hei sika anpêk kha kae. Christian anti hi tongpêk juia inphut Pathên sanu leh sapa kachang mi hei kha kae (Galatians 3:26,27), khava jârra Pathên kha Apa tia bek nasik raṭha anei a kae (Romans 8:15). Christian inkhat in derna ah anphut Pa hneng lut nasik raṭha anei jo jârra Christian hei hi akataksen mak hei kanekna mahâmṭhatna anchenna kae. Rathla lang tinga vângpêk inkhat ah Christian hen anlak vîng derna vâng manham ṭhatna kha anei ah kae.

Setna kanei inkhat in asetna inngeidam thei nasik derna anei pha Pathên in amalung shunga ṭon ahei ṭloa Christian hong kachanga kae.

2. Jesu Christa ah inphut einin Pathên hneng derna ninei sik kae.

Pathên hi Apa kae khana Ama hi vângṭhat rakip kape pa kha kae. Ani inthopui sik khana nichunga apêk me mahâmṭhatna rakip chung ah inpakna malâr nasik derna ninei sik kae. Achang ravâng setnan nikârra a-om jo jârra Pathên ning direct a hlut thei mak me. Alak khat ting, milak inkhat, themna singna ansang, torna kanei inkhat hneng derna ninei sik tina chu changmak. Khava kanek ah, lungsetna lenlaku nichent thei nasik Jesu hi eini le Pathên kârra mantōkna (injomna), intōk inchamna kasem pa kha kae. Pathên tong intheng rangei sôm rih, Tu achang inum Jesu hi Messiah kae tia akataksen kha Pathên sa kae; khana pa inkhat inlungset mi khan asa kham alungset a kae. Hina inphut Pathên sa nilungset hei ti hi nimanhret: khachu Pathên nilungsetna leh aṭongpêk nijuina vânga kae (1 John 5:1,2). Ajârchu Pathên inkhat rōk ka-om, khana Pathên leh mihring kaṭhōi inchun inkhat ka-om, Jesu Christa mipa kha (1 Timothy 2:5). Jesu anhnenga kahonga ahri, “Marvân chung leh raleichunga raṭha neina rakip anipêk jo (Matthew 28:18).

3. Rathla leh kadik vâng nider ṭhak sik kae.

Pathên hi Rathla kae, khana ama inmûk sik mi hei khan kadik ta a leh Rathla a anta kamûk ngêr sik kae, ati (John 4:24). Derna hi kamûkna ṭonhlam inkhat khana ani tinna Christian ringkhō a nita hmang sik ṭonhmun inkhat achang jârra Rathla leh kadik tak a derna ninei sik kae. Paul in ahri, Ajârchu khanga ken tong hlop tonga kader inchu, karathlan chu ader kae kadik, tâk kamalung khan chu invei mak a kae. Khan chu ken heimo kaṭlo sik jo? Karathla vâng kader kha kamalung vâng um kader sik kae; karathla vâng hla kasak kha kamalung vâng um kasak sik kae (1 Corinthians 14:14,15).

Hiva tina chu, manhret theina leh inthōiya der sik, niṭong rih kha nimalung vâng manhret sik, khan ansin sâk sik me kae. Khava chung chonna, niderna kha Bible le antûk sik kae. Pathên lungdo kae-mak ṭōn inkhat ae mak leh neinâk inkhat chung der mak sik kae. Sonle inkhat in Jesu hneng kamo taka ṭong alei der pha hing hin Jesun amasôn, “Nangnin nantader kha heimo manhret mak chei. Kei ta-in sik inrengna kōklei kha nangnin nanta intor nâk sik mo?” Anmanin ahnenga, “Kan-in tōr sik,” antia kae (Matthew 20:22). Jesun amasôn, “Tâk ṭong intheng in hing hinum ahri, Nang in na-Rōngpu na-Pathên enmansin mak roh” (Matthew 4:7). Avea nôk a, Rōngpu derna kha derna a hmang thei mak tin me, ajârchu (Matthew 6:9-13) narengam jong ṭong rasoh tia derna neithei mak tin me ajârchu arengam kha alei hong tung jo ah kae. Khava jâra einin anhling tor mak rengam kha nichen jo jâra inpâk rih. Pathên kha einin ṭittak leh kajâtak a amalung nimantlai nasik kamûk me sona manpâk rih (Hebrews 12:28).

4. Derna tahôm rakip Bible a ansunna kaom.

Manpâkna malung leh inthōia derṭhak ruh. Heite inkhat chung malung inrimna neimak ruh, tâk nanderna rakip a manpâkna malung leh inthōia nanta madu rangei kha derṭhak ruh (Phillipians 4:6).

Inthopuina nimadu pha derna nei sik. Khava jâra Petêr kha kurkhum a akhuma aleida, tâk Bekrup mihen ama sik a malung kahluttak a Pathên hneng derna anleinei (Acts 12:5).

Ram vaikaron hei sik derna nei sik (Romans 13).

Inkhat le inkhat sik a inder pêk sik. Khava jâra nangni inkhat leh inkhat nansetnahei inhri sōttō una, nandam thei nasik inderpêk ruh. Mikadik derna khan raṭha kaneitak a ṭōn aṭlo (James 5:16).

Akana hei sik derna nei sik. Nankara akana aka-om mo? Rōngpu rahminga olive thai inno sik le akaderpêk sik Bekrup upahei nantabek sik hei kae. Hiva taksentak derna hin mikana kha amandam sik, Rōngpu khan antaksa amandam male nôk sik hei, khana aset ṭlona arangei mandam pêk sik hei (James 5:14-15).

Bekrup sik, innsung sik, Rathla inhmang hei sik derna neipêk ṭhak sik hei kae. Hiva chung changa Bible arup le chang hingya ansunna kaom ah kae.

5. Bible in derna chung changa ṭong kangêr ah arakokna me alek um kaom.

Christa'n ati, “Nangnin nander pha, anṭhatsak hei kapōa changmak ruh! Ajârchu anmanin mihmu nasik a kamûkna innheia leh hlampui rakir heia kangîr heia kae. Kahri manchên pêk chei kae, anmani ṭloman inpêkdek jo hei. Tâk nangnin nander pha, innden a hlut ruh, kot inkamsi ruh, hmit a

anhmu mak nanpa hneng rirûk a der ruh. Khana marûk a naṭōntlo akahmu nanpa khan ṭloman kha apêk sik chei. Christa'n avea arakok nôk me "Nangnin nander pha, khōvelhei derna kaseitak kha an-Pathên hen anthei sik tia anman donna kapōa ajâr kase ṭong katamtak hmang mak ruh. Anmani ang mak ruh. Nander mak hma nanta rangei seng kha nanpan amanhret sōa kae (Matthew 6:5-8).

"Min nanchunga antaṭhe hei kha nanrangei mandam henchu, marvâna nan-Panum nangni ṭhenahei kha arangei mandam sik chei. Tâk nangnin mihei nanrangei mandam mak inchu, nan-Panum nangni ṭhenahei kha rangei mandam mak chei ning" (Matthew 6:14,15).

Anitinna nihringkhō ah ae-mak le Pathên kamûkna shunga ahomde um ahomde mak innum Derna hi ṭongpui karon tak inkhat kae. Kamûkna shunga leh anitinna Christian hringkhō ah Pathên inbekpui theina raṭha anta nei hi mahâmṭhatna inkhat kae. Hiva hi Rōngpun ami hei hneng atamadu le atarangei tak inkhat kae. Pathên kamûkna hi akahlu tak inkhat achang jâr-ra, Christian hen Pathên kani ning an-inn inna omnam kanek a pêk nasik le Rōngpu jânthlaisak sâk sōm nasik antûp sik hei kae. Pathên kani ning ama anmûk sik antûp rakip in an-inn inna derna anei sik takkha ama anmûksik antûk mak rakip in derna hi mankhok mak hei kae. Pathên hneng anleider achang innum Rōngpu neng taksen thei kachang mi inkhat ae-mak karseng anderna kha Pathên hneng heite kae-mak inkhat kachang sik kae.

Taksenna le inthōiya der roh- der roh khan apêk sik che. Derna in torna anei.

TONGER HEI

1. Derna hi hrimanchen roh.
2. Dernan nihrong shunga hei ṭōn mo aṭōn?
3. Sunkhata vei heiya sasam mo nider sik?
4. Tuhei sik a mo derna hi ahlop a anta da?
5. John 9:31 hrimantheng roh.
6. Hei jâr-ra mo mi kaset hen anta der sik?
7. Christian hi tu mo?
8. Derna vâng tun mo Pathên anai tor sik?
9. Derna a anphut mi kaset inkhat in huk manhring kachang thei sik mo?
10. Tu hneng a inphut mo Pathên hneng derna ninei sik?
11. Eini sik Jesu hi hei mo kae?
12. Rathla leh akadik a derna hi hrimanchen roh.
13. Derna vâng Rōngpu ni enmansin thei sik mo?

14. Rōngpu derna kha hei mo?
15. Hei jârra mo Rōngpu derna nihmang thei mak sik?
16. Derna ninei kârra nihapsa sik ajingte son roh.
16. Tu hei sik a mo derna ninei de sik?
17. Derna chung changa Pathên manchitna kha hei rahlam hei mo?
18. Pathên kamuk nasik intupna a invei loa inna derna ninei ah kaom nam thei sik me mo?
19. Hei khong mo nider sik?

Lesson 10

Hla Sakna

Christian hringnun (dharmo) hi hlasak hringnun kae. Hlasak him Tongteptera (New Testament) ansun kamûkna tōnhlam inkhat kae. Hiva kaṭloi thimma inthem chukna shunga them inchu sik madu khachu, hlasak him kamûkna shunga tōnhlam kahlu tak inkhat kae, ti hi kae.

Ahma inkheipenna hlasak chung changa bible arup le chang katam tak ensōmna hei rih.

1. Khana anmanin hla inkhat anleisak a Olive Tlâng ting kasesōt jo hei (Matthew 26:30).

2. Jân ṭhangṭim vena Paul leh Silas khan derna anneia Pathên manpâkna hla anleisak, khana alak khum mihei khan anleirangei hei (Acts 16:25).

3. Khan chu Pathên lungset maritna jâra Jât-hlop henum Pathên kha anmanpâk thei nasik a kae. Ajârchu ṭong intheng in ahri: “Khava jâra Jât-hlop hei kâra kamanpâk sik che; Nang choi ka-âna hla kasak sik (Romans 15:9).”

4. Khan chu ken heimo kaṭlo sik jo? Karathla vâng kader kha kamalung vâng um kader sik kae; karathla vâng hla kasak kha kamalung vâng um kasak sik kae (1 Corinthians 14:15).

5. Kamûkna hla, manpâkna hla, khana hla intheng ṭong vânga khat leh khat inbek ruh; nanmalung shunga manpâkna hla leh inṭhōia Rōngpu hneng choi ka-âna hla leh kamûkna hla sâk ruh (Ephesians 5:19).

6. Christa ṭong kha aṭhatna rakip leh nanmalung shunga aka-om sik kae. Khat leh khat singna rakip vâng inse intheitō ruh. Inpâk hla, bêk hla, hla intheng hei sâk ruh; nanmalunga Pathên manpâk leh inṭhōia hla sâk ruh (Colossians 3:16).

7. Aman Pathên hneng ahri: “Heimo naṭlo kha kamihei hneng kahri ngêr sik!

An-intûpna shunga kachoi ka-ân ngêr sik che” (Hebrews 2:12).

8. Nankâra malung inrim aka-om mo? Nantader sik kae. Nankâra anpâk

aka-om mo? Choi ka-âna hla nantasak sik kae (James 5:13).

9. Anmanin hlather inkhat anleisak (Revelation 5:9).

10. Khana upahei khan antasak thei hlather inkhat anleisak (Revelation 14:3).

11. Anmanin kemōngte leh Pathên sōkpa, Moses hla kha, ansak a ka-om hei (Revelation 15:3).

Hiva Bible arup le chang hei hin Ṭongtephther (New Testament) ah hlasak ṭongpui chung changa anhria kae. Pathên in hlasak chung changa hei mo amadu khana hei mo amanṭlo nomhme kha inchent senga kae. Hiva ṭong rahme kakhedet a hapsa ae mak le katomdet a losōt thei e-mak a kae.

Raleichunga hringnun hlang tinga mi katam hlang in hlasak kahōi rasâ hi khutsem kare vâng in aman hui det anti ah kae. Khava jârra hlasak kare hoidet nasik dharmo rup katam hlang in khutsem kare leh hla ansak ah kae. Ṭongtephtherin kamûkna shunga hla sâk ruh ti hi nikhenga ninum tor sik, takkha khutsem kare leh kamûkna ah hla sâk sik kae tihi nikhenga numtor mak tin me. Hiva kamûkna shunga hlasak chung changa Bible in hei mo aman thei me? Kamûkna sung khutsem kare le inthōiya hla sâk sik kae tia aman thei me mo, ae-mak le karesō vâng rōk mo manpâkna hla nisâk sik? Khutsem kare (mechanical music) jao loa Pathên kamûkna ṭōnhlam nihmang thei sik mo? Ae-mak le khutsem kare leh Pathên kamûkna ṭōnhlam niṭlo sap thei sik mo? Nihmang thei sik mo a-emak leh nihmang thei mak sik mo? Ensōmna nei rih.

Hma inkheipenna nihmu sōt khachu, Mihring sik a kare or rasâ inhni hi kaom, vocal music, mihring hei karesō or rasâ. Mihring inkhat hneng a inphut hong kasōk rasâ or hlasak rasâ. Ama hi akaring kae. Pathên kutsem mihring inphut hong kasōk. Khava jârra raleichunga karesō kahoipen hi Pathên kutsem mihring hei inphut hong kasōk kae anti. Khutsem kare or rasâ (Mechanical music) hi mihring kare or rasâ (vocal music) alet kae. Hiva hmangchak hi mihring hei tasem kae. Ama hi kadai, Rathla kanei mak, mandonna kanei mak, akathisa kae. Mi inkhat in avok jâra, arui akei jâra ae-mak le aṭōn jârra, asem jâra arasâ kasōk nam kae. Ama hi Pathên tahei semsōt changmak takkha mihring hei taheisem sōt kae. Mihring karesō a hapsa kha kae. Hiva hi Pathên tamadu or takadei leikachang sik mo? Hewbrew kasunpan hing hin ati, Khava jâra einin Jesua ninthōina kapōa, nibeivânga ama hi Rōngpu kae tia phōngsōtna, achoi ka-âna kha Pathên hneng tōkṭhak rih (Hebrews 13:15).

Rahming inṭhang hringnun hlamkakei hen kamûkna sung khutsem kare hmang nasik kum hingya shunga heite lei rih mak hei, takkha Bible mantheina dungjuia kamûkna shunga hla ansak a kae. Hlam kakei alek hei ṭonghri kha

ensōmna hei rih.

1. John Wesley: “khutsem kare or rasâ chung changa dōina (manṭhat-makna) nei mak eng, keini Bek-in shunga, anhme hmu mak ung khana an-rasâ um thei mak ung”. Clârke’s Commentary Vol. IV, p.686.

2. John Calvin: Mihring khutsem kare vâng Pathên manpâk sik hi marim kahōi neinâk rona kanek ah, thaihmei manvar, dân lahlime ather a semsōt kanek ah rahoï changdet mak ah kae. Baptists hen kamo tak ah , hi hei rakip, alek lek neinâk hingya um, Jehudi hei hnenga inphut ahei loa kae”. John Calvin’s commentary, thirty-third psalm.

3. Martin Luther: khutsem kare hi “Baal taksabak ponlek (flag) kae ati”. McClintock and Strong’s Encyclopedia, Music Vol. VI, p. 762.

4. Adam Clarke: “Kareso hi themna (Science) inkhat ah, ken kamanlûr khana kajâna kapêk, takkha Pathên innshunga mihring khutsem karesō hi kahot khana kamatir hêr. Karesō hi ajâr kadikmak a anta hmangna inkhat kae; khana Author of Christianity kamûkna shunga aṭhatmakna chung a ken dōina kanei a kae”. Clârke’s commentary, Vol. IV, p. 686.

Kamûkna shunga khutsem kare (mechanical instrument of Music) kadōi ah Bible scholârs hingya hen tong anei. Tâkkha hivahei rakip khonna inphut hong inphut mo? Ahma inkheipenna Catholic church a anphut ahei phut khana Catholic church andu mak, hloi hlop-hlop hong kasōk katam hlang in kamûkna shunga khutsem kare (mechanical instrument of Music) ahei choi manhlut a kae.

Denomination hen khutsem kare manṭhat nasik ranâkna ṭōn anṭlo ah kae.

1. David in khutsem kare alei hmang anti. Khava kha kadik thei takkha nimandon sōt sik inkhat chu, David in dân hlop inkhat hnōi ah khana eini omna hin dân hlop inkhat kae. David in aleiṭlo jârra niṭlo thei bat e-mak a kae. David kapōa niṭlo thei aenchu akum katlai ah Jerusalemma ranhring in-thōi nasik wakase sik me kae. David kapōa khutsem kare leh ala hlak omchen kajom rakip hen akhenga jui nasik chu hnom mak heiya kae. John 1:17, 2 Corinthians 3, Hebrews 10:9, etc teisōt roh.

2. Bible in khutsem kare hmang mak ruh timak anti. Kamûkna a neinâk katam tak nihmang sik kae um timak. Bible in heimo noṭlo sik amanthei me, khana hla sâk ruh um ati (Ephesians 5:9). Hiva hin khutsem kare asōk man hmang a kae.

3. Khutsem kare hmang hi adik mak na heite ommak. Inna, khumei rehoï khana luhong inneina ah khutsem kare hmang le kamûkna inhni kârri ankhena hingya kaom ah kae. Rōngpu tongpêk alei ae-mak jo jârri Kamûkna shunga nihapsa achang inchu nithe sik kae (Revelation 22:18,19).

4. Khutsem kare in Kamûkna antangpui me anti. Kha achang inchu hei jârra mo Rōngpun tongpêk alei pêk mak? Kamûkna sung khutsem kare nihmang pha, intangpuina rahōt a kamûkna tōn inkhat hong kachang jôk a kae. Ama hi Bible leh intûk thei mak ning.

5. Marvân ramma karesō kaom sik anti. Bible in marvân ramma khutsem kare kaom sik tia mantheina ommak a kae. Alei ti achang innum kamûkna shunga khutsem kare hmang hi akadik manchang thei mak ning. Marvânna kaom neinâk hingya kamûkna shunga nita hmang or nei thei mak hingya kaom ah kae.

6. Khutsem kare hi kanmadu anti. Kaṭha jo, cake leh theitui kamadu, kamadu jârra kamûkna shunga hmangthei bak changmak a kae. Tongder khachu, e-mak, kamadu jârra, takka Rōngpu lungdo mo?

Hapta kani hma inkheipen kani ning nihong intûp pha hlasak vâng Rōngpu Pathên mapak sik kae. Hiva hi Rathla leh kadik tak a niṭlo sik kha kae. Khava jârra, manhret pumma leh insinsak taka hla nisak sik kae. Khana Bible dungjuia Pathên manpâkna hla nisak sik, khachu ni karesō vânga. Kharōk chang loa ni hlasak rakip Bible tong Rathla ting kachang sik hei kae.

Intûpkhomna hlasak hi Bible in amanthei me. Khachu, nikaresō manchunna Pathên manpâkna hla sâk sik, choi ka-anna hla, Rathla khangsōtna hla. Hiva hla hei anphut Pathên manpâkna, hla vâng inkhat le inkhat intheina, khana Rōngpu Pathên a thi katlung taksenthei nichang et nasik khat le khat inthō sik me khana kadom mansang sik kae. Marvân Pathên manpâkna ah Khutsem kare rasâ in kachok manboina om loa hlasak hi heitûk a kahui jo mo, hiva hin lung mongna, Rathla mongna apêk me. Hei mo kaṭha det sik? Hei mo raṭha hrōkna kachang det sik? Hiva hi kae Pathên tamadu kha

ṬONGDER HEI

1. Christian hringnun hi hei mo?
2. Hlasak chung changa anthei bible arup leh chang theisōt roh.
3. Hiva bible arup le achang hen khutsem kare vâng Pathên kamuk sik kae anta ti mo?
4. Karesō hei kha hei rahlam mo?
5. Khutsem kare (mechanical music) hei tina mo rihmantheng roh.
6. Hei in mo Pathên manpâk sik amadu?
7. Khutsem kare vâng Pathên kamukna kadōi a karih lamkahei ajingte hei rahming sun roh.
8. Kamukna a khutsem kare anphutna ajingte rih roh.

9. David kapōa khutsem kare le heisa mo Pathên nimanpâk thei mak sik?
10. Hei in mo khutsem kare kamukna sunga hmangna asōk manhmang?
11. Khutse kare inna nida thei sik mo?
12. Mechanical music marvanramma kaom sik mo?
13. Khang khava hlasak mo Pathên lungdo?
14. Revelation 22:18,19 sun roh.
15. Hlasak chungchanga ajing sun roh.

Lesson 11

Rōngpu Jân Thlaisakna

Rōngpu Jân Thlaisâk him kamûkna tōnhlam inkhat kae. Pathen in mihring hi mangngi hrat kae tihi amanhret ah kae. Khava jârra mihring hei tamandon ðhak sik ah heikhat dahlon sik hi amadua kae. Hiva mandon sōtna hi RŌNGPU JĀNTHLAISAK tia nimanhret. Ni inthem chukna ashunga nihlut det mak hma ah, ahmasa penna RŌNGPU JĀNTHLAISAK hi hei khong a mo anphonsōt ensōm hri. Mattheww 26:26-28 hin enrih, (Mark 14:22–26; Luke 22:14–20; 1 Corinthians 11:23–25) Anmanin ansâklai, Jesun buhlom har kha aloa manpâkna derna anei, khana akhōia asonlehei hneng apêk heia, “Lo una sâk ruh, hivahi kataksa kae,” ati. Khava sōa aman kōklei kha aloa, Pathên manpâkna anei, khana anhnenga apêk jo hei. Aman ati, “Hi nankhenga in ruh, hivahi Pathêna intepna chung a mērçhîkna antat, mi katamtak set rangei mandam nasik a akalōng kathisen kha kae. Hei tûk ah kabei mo enrih. Christa’n ati, buhlom kha ataksa kathleng kae, khana ama hi Christa mandonsōt nasik nihmang sik kae. Khana avea Aman ati, kōklei kha or dharkha tui kha athisen kathleng kae, athisen mandonsōt nasik hiva hi ni-in sik kae. Inkhat ting chu, Christa’n cross chung a man katam taka anpêk sōt kha asonle hen an ma-ngi mak nasik Pathên kani akai ah buhlom sâk ah khana kōklei in ah malung ther anei ðhak nasik ataksa leh thisen mandon sōtna anta hei hmang ðhak sik a tong alei pêk heiya kae.

1 Corinthians 11:20-29 ah ennōk rih. Nangni rup khat a nan-intûp pha, nantasâk kha Rōngpu Jânthlai kha changmak. Heijâra mo nitinchu, nangnin thlai nansâk pha, mi rakip in anthlai heichoi et kha hma inkeia ansâk a, hêr khat chu anvon kaţâm jo, hêr khat chu ju inrui jo heia kae. Nansâk nan-in nasik nanbing inn et om mak mo? Pathên Bekrup hnōise nasik leh mi akatlasam hei manzak nasik a mo nantaţlo? Hiva chung a hin nanhnenga heimo hri rasoh nantati eng? Kamanpâk sik chei mo? Changmak, manpâk mak chei eng.

Ajârchu, nangni kapêk sōt jo chei mantheina kha ken Rōngpua inphut kah-

mu sôt insena kha kae, ti chu Rōngpu Jesu pêk sôt a a-om sik ning jân khan aman buhlom kha aloa, Pathên amanpâk a, har akhōia, ahri, “Hivahi nangni tasâk sik a anpesôt kataksa kha kae. Kei mandon sôt nasik hi tlo ruh,” ati. Kha leh in-anghrep a, anmanin ansâksō pha, aman kōklei kha aloa khana ahri, “Hiva kōklei hi kathisenna (mohor innam) mērchîkna kata et-khum jo Pathên tongtep ther kha kae, nangnin nan-in akaia kei mandonsōtna nei ruh.”

Hiva buhlom hi nansâk a, hiva kōkleia nan-in akaia Rōngpu ajōng mak hma seng nangnin athina tong kha nanhri manṭhang jo tina kae. Hiva bân kajui khachu tu achang inum Rōngpu kajâna kasea buhlom akasâk khana kōkleia aka-in mi kha Rōngpu taksa leh thisen kadōia ṭhena leh setna achen kae. Khava jâra mi rakip ama abinga in-ensui sona buhlom kha sâk rasoh, khan chu kōkleia khan in rasoh. Ajârchu buhlom kasâk leh kōkleia ka-in mi khan Rōngpu taksa achangna jâr manhret loa asâk achang inchu, asâk a-in khan abinga chung a tong tanna ajōng rôn manhlut a kae.

1. Jesu Christa anpêk sôt ning Jân khan hiva Rōngpu Jân thlai-sâk hi ama khat in mansena alei nei.

2. “Hivahi nangni tasâk sik a anpesôt kataksa kha kae. Kei mandon sôt nasik hi tlo ruh,” ati.

3. “Hiva kōklei hi kathisenna mohor innam Pathên tongtep ther kha kae, nangnin nan-in akaia kei mandonsōtna nei ruh”.

4. Hiva buhlom hi nansâk a, hiva kōkleia nan-in akaia Rōngpu ajōng mak hma seng nangnin athina tong kha nanhri manṭhang jo tina kae.

5. Ajârchu buhlom kasâk leh kōkleia ka-in mi khan Rōngpu taksa achangna jâr manhret loa asâk achang inchu, asâk a-in khan abinga chung a tong tanna ajōng rôn manhlut a kae.

6. Mi rakip ama abinga in-ensui sona buhlom kha sâk rasoh, khan chu kōkleia khan in rasoh.

7. Tu achang innum Rōngpu kajâna kasea buhlom akasâk khana kōkleia aka-in mi kha Rōngpu taksa leh thisen kadōia ṭhena leh setna achen kae.

1. Koklei inkhat rûk mak sik kae ti hi Rōngpu mantheina e mak. Pha khat ah, Rōngpu Jân Thlaisâk nisak pha kōklei inkhat rûk nihmang sik kae kati loi kaom hei, khan ansak pha kōklei inkhat rûk anhmang riah kae. Pathên in akok kha kahlu a alo e-mak, takkha kōklei ah kajao kha kahlu det a alo. Koklei inkhat rûk achang innum achang mak innum Christa mandon sôt nasik antlo tōn a en chu ankhe na heite ommak a kae. Sun khat ning hin, mipa inkhat in Koklei inkhat rûk hmang sik kae tia kataksen rup inkhat intûpna ah kamûkna kajao sik aleise pha, kōklei inkhat rûk ah dharkha tui anhei semma ama hneng anhei pêk kha alo ah akheng a a-in pêt jo, khan ahneng

ah anhei ti, heisa mo akhenga na-in so pêt jo, milak hen hei mo anta in sik jo anti ah anmalung hui mak jo. Khava laitak aman ahei mason hei, “Hi ank-henga in ruh”, ati e-mak mo. Hingya hin kabei tik ah mi inkhat hlam let ting keison sik ti man enna inkhat kae. Bible in kōklei inkhat rûk ah inruk ti mak aja, achang ravâng, taksa dam nasik nien pha nita nita et kōklei ah ni- in sik hi kaṭha pen inkhat kae.

2. Rōngpu taksa leh thisen mandon sôt nasik Rōngpu Jân Thlaisâk ansak a kae. Khana Rōngpu vōini tlūkna kaJong sik kataksen loi hei khan ama thisen leh thōisōtna mondonsôt nasik ansak an-inna kae. Anlei taksen mak jo achang inchu leisak mak hei ning.

3. Rōngpu Jân Thlaisâk hmangna pha hi ṭhat chomna pha kae, ajârchu mi inkhat ringkhō kathleng pha shunga alei ṭlo omchen kadik mak, taksenthei ae-makna achang a, church ke nom mak na achange, Rathla omdân achange, abinga in-ensui nasik pha apêk mea kae. Pathên maikunga taksen thei achang jo achang inchu Rōngpu Jân Thlaisâk asak thei sik khana amandonna khan pui tluk mak eng tia amandon inchu ahai innum heite khok mak. Pathên hnen-ga taksen thei kachang ringkhō inkhat a lei om jon inchu, angai ah Rōngpu Jân Thlaisâk asak thei sik. Karingkhō hi setnan kasip phet jo eng ti enhret inchu, hma inkhei penna malung thleng a kadik hlam ting inhe sik arangei, khana kha- va so leh antepna dungjuia Rōngpu Jân Thlaisâk asak sik kae.

4. Mi inkhat in abing a in ensui loa Rōngpu kajâna kasea buhlom akasâk khana kōkleia aka-in mi kha Rōngpu taksa leh thisen kadōia ṭhena leh setna achen kae, ahringkhō anhuksôt sik kanek a abinga thina chen anpêk kae. Mihring tûte inkhat bêk kaset mak ommak me. Achang ravâng, tûte inkhat bêk pui katluk ommak hei ti him Rōngpun amanhret takkha Rōngpu Jân Thlaisâk nihmang thei nasik mi kaṭha inkhat chang nasik ranâkna tak niṭlo riah kae. Tâkkha mi khat in manhret pumna, khoksak loa aset jo achang inchu ama kha akasak sik a intûk mak ria kae. Khava khan abinga inhon mathlak rûk chang loa arathla asuk manhmang jo, ajârchu, mi hei maikun-ga anṭhat lemsak a kae. Tâkkha Pōngpun hei rakip amanhret ah kae, khana abinga athena anhret ah, mi kadik achang thei nasik, Rōngpu Jân Thlaisâk kha Rathla le dakik tak a akasa kachang sik kae.

5. Khava jârra Rōngpu Jân Thlaisâk hi kot nikhar mak sik kae, kotkhar tichu kamûkna shunga hma ah lentup mihlip hei hneng rûk buhlom leh kōklei saksik le insik anpêk khana vâng ting kahong mihlak hei hneng pêk lo me. Bible in binga ensui sik me ati. Christa Bekrup kae mak mihlip inkhat in asak thei sik mo, anpêk mak pha malung hui makna anei sik, aman akadik kha ahei manhret pha Pathên ṭongpêk ahei jui sik. Sak sik a nikhâm achang

inchu aringkhōa Pathên ʈong hei jui mak um aja.

ʈong chaina ah, Hma lai a Christian hen Rōngpu Jân Thlaisâk kasak sik a hapta kani hma inkheipen kani ning lentup hei ti hi einin Acts 20:7 na nihmu. Khava jârra khale an-ang hrep a ʈlo nasik ʈongpêk anpêk kae. Hapta ah heikani a mo? Hapta kani inkhat tou ah Pathên kani kae tina Rōngpu Jân thlaisâk sak nasik tun mo raʈha neina apêk me? Tute inkhat bêk in khava raʈha neitor mak hei. Khava jârra kani lak a intûpna kha hai jo rih, Pathên ʈongpêk kapōa Pathên kani ning Rōngpu Jân Thlaisâk kasa sik a inupna nei rih.

ʈONGDER HEI

1. Rōngpu Jân Thlaisak hi tu tasem mo?
2. Matthew 26:26-28 teisōt roh.
3. Hei jârra mo buhlom sak sik?
4. Darkha tui khan hei mo atheng?
5. Vei heiya sasam mo Rōngpu Jân Thlaisak na nihmang sik?
6. Corinthians na kaom hei khan heikhog mo Rōngpu Jân Thlaisak anta leisak?
7. Hiva chungchanga Paul in hei mo alei ʈlo?
8. Rōngpu Jân Thlaisak hi Paul in tu ning a inphut mo aleihmu sōt?
9. Manhret loa nisak achang inchu hei mo kati sik?
10. Kokhlei inkhat hmang sik kae tia bible mantheina kaom mo?
11. Kokhlei mo kahlu achang mak le kokhlei shunga kaom kha mo?
12. Set mong rong tia kaset mi khan asak thei sik mo?
13. Mi inkhat hneng, nang sak thei mak tin che nithei sik mo?
14. Hei kani a mo Christian hen sak nasik antup sik hei?
15. Mi khat hnenga Rōngpu Jân Thlaisak sakna sik kani kadei sōt nasik raʈha apek mo?

Lesson 12

Pêkna

Achaina penna, ʈongtephthera (New Testament) kamûkna tunhlam 5 hei kârra atorna penna, pêkna chung changa hong hlut nôk jo rih. Bible in heikhat amanthei me achang inchu, amantheina me kha kachang sik kae. Mi katam hlang hen hiva ʈongpui hi manhret mak heiya kae. Khava jârra hiva ʈongpui chung changa Bible in hei mo aman thei me, ensōmna nei rih. Einin Bible arup le changa anphut niphut sik kae.

1 Corinthians 16:1,2, Tûn, Judea ram a Pathên mihei inthōpui nasik

sêrtōklôm chung châng nanta heimazet ngeitōna. Galatia Bekrup-hei hneng kahri kapōa, Nangninum nantaḷo sik kae. Kei kahong pha leh sêr ṭheina a-om mak nasik, (Pathên kani akaia) hapta kani hma inkhei pên kani ning mi rakip in ahlōsōt dungjuia apêk sik kha ahlop a leimankhôm ruh. Tunchu hiva Bible achang hei hi kaṭha ah enmanchenna nei rih.

1. Hiva pêkna hi Pathên kani akaia (Hapta kani hma inkheipen kani ning) pêk sik kae. Hei jârra? Hiva kani hi Christian hei intûpna kani achang jârra ahlōsōt dungjuia pek nasik kani indei sōt khâm kachang ah kae. Kani lak lak a nipêk thei sik mo? Kani lak lak ning pekna chung changa bible in heite hri mak a kae. Hiva ṭongpêk hin ahom karseng hapta kani hma inkheipen kani ning pêsik hi ankhe hêr mak sik kani jo kae. Ringhnun (dharmo) hlang tinga rup hingya hen sêr theina hi inpunkhomna akai ah anhmang ria kae, ani katlaia an inpunkhom innum sêr anthei hria kae. Achang ravâng Bible a anpêk ṭongpêk dungjuia mantlukna kani inkhat a pêk sik kae. Christa Bekrup hei Hapta kani hma inkheipen kani ning inpunkhom hei khana hiva kani ning hin anta pêk sik hi inhōrna kae.

2. Christian rakip in anta pêk sik hi inhōrna kae. Pathên kani akai, mi rakip in hapta shunga ahlōsōt dungjuia apêk sik kha ahlop a leimankhôm rasoh. Mi inkhat in hapta shunga sêr ahlo mak inchu pêk nasik Pathên in achunga inhōrna nei mak a kae. Sêr anei inchu apêk sik kha Pathên tamadu pen inkhat kae, apêk mak inchu khava kha setna kae.

3. Mi rakip in ahlōsōt dungjuia ahlop a leimanbuk rasoh. Khava pha ah, ansak achanga, ran achanga, heikhat anta nei kakhom anta hei pek sik kha Pathên tamadu kae. Sêr achang innum aja. Tuning chu mi katam hlang in sêr jôk anhei pêk ah kae, ajârchu neinâk kha sêr ah anhei thlenga, khana hapta shunga neinâk kanek a sêr anhei hlo jôk a kae. Ahmun, mi, khana a omhmun dungjuia anta nei nei sêr achanga neinâk achanga anhei pêk a kae.

4. Mi rakip in ahlōsōt dungjuia ahlopa aleimanbuk kha pek rasoh. Khava tinna chu, ahlo sōt dungjuia pêk sik kae. Tâkkha heiya mo ahlo sōt? Khava kha anmani tamantluk dungjuia kachang sik khana tuning um khava kapō kachang sik kae. Ṭongtepter in ṭithe or pêk sôm chung changa mantheina hi ommak a kae. Khava kanek ah, sôm kakhea nipêk thei ajârchu dân kaṭhadet ninei jârra aṭhat chenna pêk sik kae, khana khava pha sung anmanin Moses dân thōia anlei chon jârra sôm anta pêk kae. Einin dân kaṭhadet, intepna kaṭhadet khana inhōrna kaṭhadet ninei achang inchu heisa mo katamdet nipêk mak sik? Asia ram sung mi katam hlang in pêk hlang ting anmalung kahlut hêr takkha katam det chu pêk tor mak hei. Hiva chung a mi inkhat in amadu chenna apêk sik kae, aṭhat chenna kakhe chet ah pêk nasik antluk sik

hei kae. Asia ram sung kaom mi hen, cinema en nasik, talab khaini sak nasik, raleichung ta kachang tōn heikhat sik sêr hingya annei ah kae. Anmani hi raleichung ta hei kae ti ken kamanhret sôt, takkha hiva sik sêr nanei inchu, khava sêr kha hei mo namanhlo? Raleichung ta kachang heikhat sik a sêr nalei hmang thei. Achang ravâng, heikhat Pathên tōn kanṭlo na chung, nang um naṭlo theiya kae. Rōngpun ati, nihlosôt dungjuia nipêk sik kae. Heiya mo nahlo sôt, nang in namanhret khana heiya mo napêk sik um inhret che. A ka e thei sik tia mandonna inkhat chandi a sêr pêk kanek a che a sêr jôk kha pêk sik kae. Thoudok inkhat a, nang mandonna kanek a kakhedet ah nalei pêk thei sik. Heiya mo napêk sik ti rih nasik raṭha neimak eng, khana heiya mo kapêk sik ti um rih nasik raṭha nei mak che. Tâkkha heiya mo napêk sik, khachu Pathên in amanhret pêt a kae, khava jârra kakhea pêk nasik intök jo rih. Heimo namandon?

5. Kei kahong pha leh sêr theina a-om mak nasik Pathên kani akai, mi rakip in ahlôsôt dungjuia apêk sik kha ahlop a leimankhôm ruh. Inkhat ting chu, Paul mathona tong kha anlei jui achang inchu, ama ahong pha leh hei rakip a-en-sui sik khana khödeng kathei hem andarkar kachang dungjuia a-en-sui thei sik hei kae. Hiva hi tuning eini sik am kadik tak kha kae. Rōngpu mantheina dungjuia nipêk achang inchu khava sêrbuk kha Rōngpu tōn ṭlona ah nihmang thei sik kae. Tuning raleichunga kaom dharmo hingya hen Pathên mantheina dungjuia anchon mak jârra mi rakip hneng sêr ander heiya kae. Anbinga pêk nasik intûk lo hei, takkha raleichung mi rakip hneng sêr ander heiya kae. Mi ṭhahrep hen magazine khana lekha anjor ria kae. Mi ṭhahrep hei baazar annei rih. Mi ṭharep hei heikhat huitheina inn anei rih. Tâkkha Pathên tongpêk khachu, Pathên tōn ṭlo nasik heikhat darkar ahong chang pha hmang nasik anhlosôt dungjuia Pathên hneng anta pêk sik kae. Hiva hi Pathên tamadu ṭlo sik kasök tōn kha kae, hi niṭlo mak inchu Pathên tōn hlang ting khangsôt tor mak tin me.

Pekna chung changa ajingte ensōmna nei nok rih. Khachu 2 Corinthians 9:6,7. Hmuchi katlomtek kavor mi khan akatlômtek alök sik kae; hmuchi katamtak kavor mi khan akatamtak alök sik kae ti hi mandonsôt ruh. Mi rakip in antapêk sik kha katlai senga anpêk nasik mandon hei rasoh, rumhrat tak a maner pum a pêk mak rasoh; ajârchu, malung katlai senga kapêk mi kha, Pathên in alungset kae. Tong kungpui ajingte ensōmna nei rih.

1. Aman ati, nitavor dungjuia nilök sik kae. Katlomtek nivor inchu katlomtek nilök sik kae. Katamtak nivor inchu katamtak nilök sik kae. Mihring ringkhō sung Farm ṭlona, business ṭlona achang ah hiva hi akadik kae. Rōngpu tōn ṭlo achang innum. Katam niṭlo dungjuia katamdet nihmu sik kae. Mi

lak hei anṭōn ṭlo na ah heikhat anhmū mak a en chu anmanin heikhat anṭlo mak jārra kae. Heite inkhat pēk loa Bekrup sēr lo nasik intūk mak roh. Pathên in aṭong hri dungjuia ṭōn aṭlo sik ti taksena ninei tor mak jārra kamalung inrim hēr ah kae. Enhman sinna ninei sik kae. Nitor inchu Pathên ni-en mansin sik kae, katamtak napêkna khan nang um katamtak narahlang sik ti inhōrna kanei ah kae.

2. Mi rakip in antapêk sik kha katlai senga anpêk nasik mandon hei rasoh. Kamûkna anhong mak hma, heiya mo antapêk sik kha leimandon dik hei raoh. Hiva hi kae Paul tarih kha. Apha ahong tlung pha heiya mo pēk sik namandon ah inhling inkai kha ṭlo mak roh. Natorna chenna heiya mo napêk sik, namalung shunga namandon dungjuia pēk roh.

3. Rumhrat tak a maner pum a pēk mak rasoh. Pek ngēr sik tia nabing tanti inṭlo mak roh, napêk nom mak inchu pēk mak roh, nasēr kha heikhat sik nadânom inhu daroh, tanti tak a maner pum ah pēk hi anemna kase kae.

4. Pek ngēr sik kae tia mi inkhat in pēk mak rasoh. Hiva pēkna chung changa tûte inkhat bēk Pathên in tanti ṭlo mak ah kae. Pek nasik nahei intluk pha namalung kakhoma pēk roh.

5. Ajârchu, malung katlai senga kapêk mi kha, Pathên in alungset kae. Hei khong mo Pathên in amanpêk nom che? Malung katlai senga aman pēk hnom che, ajârchu heikhat Pathên sik pēktor na raṭha nanei kha nang sik inpakna kalen tak inkhat kae. Hing kapō kape me hmun rakip a leh pha rakip ah darkar kachang ria kae.

Ṭong chaina ah, Rōngpu ama khat ṭong hri ra-ngei rih. Lo kanek a pēk hi mahâm kaṭha jôk kae” (Acts 20:35). Hiva ṭong rahme teisōt nasik mi ṭhahrep hen anhlu anma he hi kamalung kakhâm a kae. Lo kanek a pēk hi maham kaṭha jôk kae. Hei jārra mo? Ajârchu ra-ot or maruk a madu leh neihnum, ama sik rōk indon, maner kase hin Pathên ta kachang heikhat kha nimarōk pēk kae. Tho nasik Pathên in mahâmṭhat apêk me chang rasoh, khana Pathên ta kachang heikhat pēk manhle nasik intūk rih. Bible dungjuia pēk nasik raṭha ninei mak achang inchu akadik tak Christian inkhat chang thei mak tin me.

ṬONGDER HEI

1. Pekna chung chang a bible in amanthei me mo?
2. Pek phom kasōk kha nata pek mo?
3. 1 Corinthians 16:1,2, teisōt roh.
4. Ahlosōt dung juia pek nasik intup nasik kani kha hei kani mo?
5. Kani lak lak heiya pek thei kachang mo?

6. Christian rakip in anta pek sik hi nitaksen mo?
7. Heimo anta pek sik?
8. Heiya mo anta pek sik?
9. New testaemnt in sōmma inkhat chung chang a amanthei me mo?
10. Hei jârra mo sōmma inkkhat kakhea nipek sik?
11. Hei jârra mo Rōngpu sik kakhe cheta nipek sik?
12. Muchi kavor leh muchi ka at chung chang rih roh.
13. Hei jârra mo mi katam lang hen katam det anta rok mak?
14. Nihlosōt dungjuia pek hi hei tina mo?
15. Religious group hen anderkar kachang heikhat ah hmang nasik heikhong mo ser anta jong?
16. Maner papumma pek hi Pathên tamadu mo?
17. Anderkar kachang neingak heikhat sik ser anta nei mo?
18. Khang kapo kape hei khamo Pathên in alungset hei?
19. Pek hi rahlang kanek kaṭha det, tu tati mo?
20. Pekna chung chang a hrimantheng roh.

Lesson 13

Bekrup Inkhomna Inveina

Eini angaiya nin tûp ṭhak bâng hi Christian hei tathe pen inkhat kae. Kakhe chet a inkhat leh inkhat intûp inchun nasik a malung inthôk tō na omloa heikhong mo taksenthei chang nasik inhōrna ninei tor sik. Khang kava omchen khan Pathên hneng taksenthei chang tor mak tin che.

Ṭong inthenga a ahom mak, Christmas leh Easter sik ah hloi hlop hlop hen kumkhat a hiva sik rûk a kamûkna annei ah kae. Hiva hi Pathên malung manthlai nasik arangei or akahlu kae anti, hiva mandonna hin anbi bingga anhon mathlak hei kae. Rōngpu hi tumo ti anmandon? Bekrup shunga nien pha, mi ṭharep hen Bekrup intûp inchunna hi kaklak inkhat ah kase rih heiya kae. Anmanin intûp inchunna semak na maphena jâr hingya anpêk a kae. Anmani ṭōn ṭlona a-emak leh akar-akahla jârra Bekrup intûp inchunna anbâng a kae. Hiva jârra khava jârra anti ah anphe hei. Tâkkha ṭongder khachu, hiva inphena hei hi Pathên in arahlang sik mo? Hiva mi hen Christian ung chu anti takkha intûp inchunna chu jao ṭet lo hei. Inkhat ting nien pha, anta ṭlohnum ṭōn inkhat tlo nasik jarra chu, akahla achang ah akahnai achange kase hri heiya kae.

Bekrup intûp inchunna katla mak hen hing hin anti: “Tâkkha ken inna derna kanei”. Khava kha Pathên lungdo achang inchu kaṭha tak inkhat kae. Achang ravâng hapta kani hma inkheipen kani ning ami hen angai a intûp

sik hei hi Pathên tɔngpêk kae. Intûpna hin derna,inthem chukna, hlasak na, Rōngpu Jân Thlaisâk sakna, khana anta nei kakhom pêkna pha kha anei ya kae. Anbi binga inna intûpsik anhluk mi hei kha, tu hnenga mo pêkna anta nei? Hei khong mo Rōngpu Jân Thlaisâk anta sâk? Hiva hi dikthei mak ning, Pathên hneng derna tei loa alak kamûkna tɔnhlam anṭlo sik hi intak hêr sik. Kamûkna shunga derna kakhea alak lak tɔnhlam kaom hei ti hi anbi binga anta ma-ngi mak sik kae.

Nat jâr-ra, a-emak leh tɔn kakhok, dalon kasa mak tɔn inkhat jâr-ra Kamûkna hong katla kator mak Bekrup mihlip hingya um kaom hei, kadik. Hiva chung changa mi inkhat in inphena jâr apêk mak jo achang innum heite khok mak. Ajâr-chu, aman Bekrup intûp inkhomna ahong tlak tor makna jâr kha Pathên in amanhret khana arahlang pêk sik.

Intûp inchunna chung changa Pathên, ama khat in hei mo ahri enrih. Eini nin nihrisôt inhôrna kha kahnet a matu rih, ajâr-chu Pathên kha aṭong tepna kaṭlo sôt sik a nitaksen tor a kae. Eini khat leh khat inbôm tōna, inlungsetna leh akaṭha ṭlo nasik lum inlo rih. Intûpna mi ṭhahrep chu invei mak hei, eini chu angaia nintûp ṭhak hi bângmak rih. Khava kanek a, Rōngpu Kani kha ahong hnaichet jo nanhmu jâra, kakhe chet a khat leh khat malung inthok tō rih. Ajâr-chu einin akadik kha nimanhretsō jo kahnunga, setmông rong tia niset injôn inchu, set intheng nasik abân inthōina om mak jo. Khava kanek a, alaka-om khachu Pathên kadōihei inhmang nasik a akajōng tɔng tanna leh ṭit ka-om tak hmei kha ṭitpum a hngâk sik kha kae (Hebrews 10:23-27). Tɔng kahlu alekte ensōmna nei rih.

1. Taksen tak ah ani inthop pui hei chunga einim taksen taka ninthoppui sik hei kana lum nilo sik hei kae.

2. Inkhat leh inkhat lum inlo na chungchonna tɔn kaṭha hi bâng mak rih.

3. Pathên kamûk nasik intûp inchun hi binga nibâng mak sik kae. Mi thihrep anlei bâng jon hnum bânk mak rih, intûp inchuna bâng hi Pathên lungdo e-mak.

4. Pathên kani hong nai chet jo kapōa, intûp inchunna nibângmak nasik, kakhe chet a inkhat leh inkhat intûp inchun nasik a malung inthok to jôk rih. Hiva sik ah intûk dek a lei om rih, intûk nasik hapta khat nineiya kae.

5. Ajâr-chu einin akadik kha nimanhretsō jo kahnunga, setmông rong tia niset jôn inchu, set intheng nasik abân inthōina om mak jo. Khava jâr-ra nimanhret pumna intûp inkhomna nibâng jo achang inchu heikhong mo Pathên in ahuk tor sik me? Khava jâr-ra hing hin ringkhō nihmang inchu nirathla anhmang sik kae.

Bekrup intûpna leh inchunna bângmak sik hi Rōngpu tamadu kae, ama hi akakhoktak leh ʈit kaom tak ʈōnhmun inkhat kae. Tâkkha hei jârra intûpna bângmak ruh ati me? Hei jârra mo Bekrup intûpna ah invei sik me? Hiva sik jârra ahlam anpêk hingya kaom. Alekte ensōmna nei rih.

1. Ajârchu ʈongpêk leh tēkâk vâng amanthei me. Einin Hebrews 10:25 ah niteisōt jo, khava intûpna leh inchuna hi bângmak sik, khana Acts 20:7 na nihmu dungjuia hei khong mo hma hlaia Christian hen antûp hei ti amanthei me, khana Troas khōpui a Pual leh Pathên anmûk sik kahong rakip hapta kani hma inkheipen kani ning lentup hei. Khava jârra, khale an-ang hrep ah niʈlo sik kae.

2. Pathên anmûk sik Bekrup intûpna leh inchunna anvei sik me kae. John 4:23,24 ah Christa'n amanthei me, khana Pathên anmûk sik rakip in kadik ah leh Rathla ah anta kamûk ngêr sik kae.

3. Rōngpu Jân Thlaisâk sakna ah anphut Pathên mandon sōt nasik intûpna anvei sik me hi Pathên tamadu kae. Rōngpu Jân Thlaisâk chung changa Paul in ati, buhlom kha nisak pha Christa taksa mandon sōtna ninei kae, khana kōklei kha ni in pha athisen mandon sōtna nihmang kae ati (1 Corinthians 11:23,24). Pathên kani ninga intûpna ni invei mak achang inchu hei khong mo Christa mandon sōtna ʈōnhlam nihmang tor sik?

4. Hapta shunga nihlo sōt dungjuia pêk nasik Pathên kani ning antûp sik me kae. Ave ah 1 Corinthians 16:2 ah senôk rih, Paul in ati, Pathên kani ning (hapta kani mha inkheipen kani ning) nanhlosōt dungjuia pêk nasik intûk ruh. Inkhomna nahei invei tor mak pha, nisêr manhbuk kha hei mo kachang sik jo? Abân kani ning intûpna nihong tlak pha, nipêk thei, achang ravâng mi katam tak hen don mak hei khana Pathên hneng heikhat pêk nasik pha kaṭha kha anhman hmanga kae. Ave vea intûpna a anhong tlak mak jo achang inchu moronna leh Pathên kajâna kha hong inhman riah kae.

5. Inkhumna khan Pathên in inkâra kaoma kae. Ajârchu karahminga mi inhni inthum anhong intûpna hmun a khan kem ankâra ka-om eng (Matthew 18:20).” Hinna anpêk ʈong hin kamûkna bângmak nasik lungthim apêk sik me kae, ajârchu inhni inthum Pathên raminga intûpna kârra aman ka-om a kae. Kamûkna ah Prime Minister ae-mak leh mi rahming kanei tak inkhat hong invei sik anti inchu, kamûkna hong invei sik che mo? Rōngpu ama khat in hing hin arih pêk me, apha rakip ah- ahmun rakip ah ken nan kâra ka-om eng. Nan kâra kaom eng ati inchu heisa mo intûpna kase mak sik che, mandon rih.

6. Achunga anpêk tēkâk hei nihmu pha intûpna bângmak sik kae. Inshung mihlip hingya, nilungset, nithōn hingya hen ani katlai an en sui mea kae. Tēkâk sik a-emak leh ankathōi, hlam kasem sik ah an enme. Hiva hi

nimandon pha, kakhe chet a akadik hlam ting hma son nasik anthluk sik me kae. Niṭōn ṭlo kha anmani sik a huk manhring chenna ka e thei. Paul in ati, Pathên in akadik kha aṭlosōt sik: ti chu nankhōdeng inthei hei kha aman khōdeng amanthei sik hei, khana nangni khōdeng kathei chei kha leh kein-im hōina apêk sik me. Hivahi Rōngpu Jesu khan amarvân ngeva kalenhei leh inṭhōia ajōng inlâr pha leh hi aṭlosōt sik jo, 8Pathên kahlonsōt hei leh, ni-Rōngpu Jesu Christa Ṭong kaṭha kajuimak hei kha aman hmeimale vâng karâkna anei sik hei 2 Thessalonians 1:6,7). Eini ṭōntlo hi anhmu pha, Christa rahlangthei nasik man-enna kachang thei sik me mo? Akachang sik me kae. Intûpna invei nasik intûk roh- apha kachahrepa se roh- malung innem leh kajâthei chang roh khana kadik tak a Pathên kha kamûk roh.

7. Ṭōn inṭhang nasik leh Rathla khangsōt nasik binga achanga nikhenga achanga intûp hi bângmak rih. Bekrup intûpna aom mak achang inchu, hei khong mo Khō a-emaḥ leh Khōpui inkhat a avar aset tor sik. Intûpna aom mak inchu, inkhat leh inkhat inhret tōna, anraṭha hratna, ṭōn ṭlo na, inbom ṭōna, khana khat leh khat mathōkna omthei mak ning. Bekrup khangsōtna hi intûpna anphut kachang sik kae. intup inkhomna aom mak inchu bekrup kha inhrang tak a kathi sik a kae. Ṭongtephera nihmu kapōa Paul in khon khon ase na rakip ah omhmun inkhata kaom Bekrup hei leh intûpkhomna anleinei ṭhak a kae. Khuding theina leh sukman rimma pha shunga achang innum intûp khom nasik ṭhat-chomna pha kha anlei nei a kae. Hiva kapōa anitinna Pathên kamûk nasik intûpna ṭon hi nibângmak sik kae.

Bekrup intûpna heisa mo nibâng mak sik tia tēkâk alek ti hi nihmu sōt joa kae. Bekrup intûpkhomna hi nimanhring na dungjuia ka e mak sik kae, ṭha- khat a weikhat a-emaḥ leh khumei rehoi kapōa um e mak, khava kanek a Pathên kani (hapta kani hma inkheipen kani ning) akai a ni manchang sik kae. Intûpna hin mi ṭhahrep chu invei mak hei, eini chu angaia nintûp ṭhak hi bângmak rih. Khava kanek a, Rōngpu Kani kha ahong hnaichet jo nanhmu jâra, kakhe chet a khat leh khat malung inthōk tō rih. Amen.

ṬONGDER HEI

1. Hei mo Christian hei tathe pen ?
2. Intupna jaolo ah taksenna kachet Christian kachang thei sik me mo?
3. Khang khava ṭōnhlam inni sik a mo denomination hen kumkhat a veini sasam intup hei kha?
4. Intupna invei makna manphena antapek hei kha hei rahlam hei mo?
5. Christian inkhat in intupna jaolo a inna abinga intupna a

anei thei sik mo?

6. Akadik tak Christian inkhat in intupna invei hi amadu sik mo?

7. Hei jârra mo Rōngpu sik taksen thei kachang sik me?

8. Intupna bang hi hei tina mo?

9. Hebrews 10:25 dungjuia kani hong kanai chet tina kha hei tina mo?

10. Set mong rong kati hei sik heimo kachang sik hei?

11. Hma laia Christian hei kamuk nasik intupna chungchanga man enna inhni pek roh?

12. Kamukna inveina jar kha hei mo?

13. Kamukna ninvei mak inchu christa mandonsōtna tōnhlam kha tongpek dungjuia nihla hmang tor ri mo?

14. Phat chomkhat intupna nitlak tor mak e a inchu pekna kha hei mo kachang sik jo?

15. Intup na a nankara tun mo kaom eng ati?

16. Hei tik le mo Pathên in nikara kaom?

17. Kamukna le injomna man enna kahlu kha rih manchen roh.

18. Hebrews 10:23-27 tei roh.